

# Katonda Tasalira Muntu Musango Nga Tasoose Kumulabula

Jeffersonville, Indiana, USA

Julaayi 24, 1963

1 "Okuyita bamalayika omutwalo omulamba," so nga omu yekka yandibadde asobola okuzikiriza ensi yonna, naye Yakufiirira ggwe nange." Ekyo kye kintu kye njala okwesigamyako obubaka bwange obw'amakya ga Sande, Mukama nga Ayagadde, ku kiki "Kristo kye yali?" Kale kaakati mpozzi tusuubira obuwala buddemu butuyimbire oluyimba olwo, ku Sande ku makya. Ow'oluganda Wheeler, njagala okugambira ddala nti olina obuwala bubiri obulungi awo, era ennyambala yaabwo, tebulina na bye bwetonyeetonye na buli kimu.

2 Nkakasa nnali njamba mukyala wange jjuuzi nti, ddala abakyala be tulinawo bayonjo balabika bulungi. Ekyo nkisiima. Enviiri zaabwe empanvu n'obwenyi bwabwe obuyonjo, ennyambala ennungi, mbe-mbe-mbeegomba buli Iwe nyi-nyingira wano. Nagamba Meda nti, "Nnandiyagadde lumu mbasimbise olunyiriri bona mbakube ekifaananyi nsobole okulaga amakanisa amalala engeri ekanisa yaffe bw'efaanana wano." Nti bwe twogera ebintu bino, baba ba-bawulize. Kale tuli basanyufu. Kirina kye kitukolera. Tumanyi nti bwe tu-tusaba, emitima gyaffe bwe gitatusalira musango, tumanyi nti Katonda atuwulira.

3 Amakya gano mukwamo gwange, abeera wala nnyo okuva wano, baamutomera, ne bamuggyawo nga-nга asigaddeko kikuba mukono, nga asigazza eddakiika ntono afe. Ne bakuba essimu, awo nga obudde bunaatera okukya. Nava mu buliri ne nzika wansi, ne ntandika okusabira omukadde oyo era olw'ekisa kya Katonda ne nsobola okukwatagana n'emmeeme eyo, n'ekomawo wano. N'atereera, n'akomawo, labayo, mulamu ali naffe akawungeezi ka leero. Oyo ye Owoluganda muzeeyi Dauch, alina emyaka kyenda, emyaka abiri-abiri mu gumu egiyise ku lugendo Iw'obulamu bwe. Naye Mukama mulungi era ajjudde ekisa n'okusaasira, kale nno ekyo tukisiima.

4 Kaakati Owoluganda Neville, tunoonyagana era manyi nti ninayo...nsigazzaayo okusaba kwa mulundi nga gumu gwokka wano, era okwo ndowooza kulibeerawo ku Sande. Kale saa-saagala kutwala musumba wange, njagala nnyo okumuwlira nga abuulira.

Ku Sande ekiro bwe yabuulira, leka mbabuulire, nnayambuka wano ne mukwano gwange eyo gye balabira firimu nga bali mu mamotoka gaabwe, oluvannyuma tulyekko ku kagaati akasiige, Owoluganda Evans ne Mwannyinaffe Evans ne tugwa ku W'oluganda ne Mwannyinaffe mukyala Sothmann eyo. Ow'oluganda Sothmann n'abalala bona baali boogera ku bubaka obwo obw'ekitalo. Era mbabuulire, obwo kwe ntambulidde kyenkana wiiki nnamba. Era ebimu ku bigambo ebyayogerwa engeri mmaaya gy'erowoozaamu nti yeekwese. kaakati, ekyo kituufu bw'eyingiza omutwe gwayo mu ttaka, wabula nga ekitundu kyayo ekisinga obunene kiba kisigadde bweru. Kale nno oluusi naffe bwe tutyo bwe tukola. Emitwe gyaffe tugezaako okubaako ekintu we tugikweka, bulijjo waba ...tuba tuba tukyalaga, omanyi. Alaba buli kitundu kyaffe. Kale nno ekyo tukisiima nnyo.

5 Awo ne ndowooza, kale, njagala okwogera eri ekanisa ne ndowooza, kale, nja-nja...Owoluganda Neville abeere nga y'ayogera nammwe ebbanga lyonna, kale bwe mba ndi wano nze nzike wansi. Ssaagala kuba munnanfuusi, nga tewali gye bampise, oba nga tewali kintu kirala, okutuula obutuuzi eyo eka nga ate wano ekanisa nzigule. Nina-nina...okubeera wano kubanga mbaagala.

Leka mbabuulire, mu butuufu kwe kugamba... Embeera y'obudde wano tetukwatagana, era... n'eggwanga nalyo tetukwatagana kale empewo ya wano eyo empisa bubi. Empewo eyo olunfuuwako Owoluganda mmera ebirogologo, amangu ddala, olaba, era tolina ky'oynza kukikolera. Era...Era nze...naffe tetuwulira bulungi, tewali awulira bulungi, tekuli kuffe, bwe tubeera wano. Tetu...kyenkana ku fenna tewali n'omu abaddde awulira bulungi bukya tujja wano, kubanga ffe twamanyiira mbeera eri ey'ebbugumu.

6 Naye, kaakati, mmwe mwenna kye kindeeta wano. Ky'ekyo, mwenna. Omnyi osanga ab'emikwano bangi nnyo, ndi mu-musanyufu nnyo. Ndowooza, singa mbala, omu ku omu, abantu be manyi, oba oli awo mu nsi yonna bawera akakadde akalamba...Waliwo lumu eyateebereza, nti ye baamanyi bawera abantu obukadde nga kkumi. Wabula waliwo eky'enjawulo ku-ku waka, ku bantu abamu. Buli omu ekyo akirina, waliwo abantu ab'enjawulo mu bulamu bwo. Bwe ntyo bwe nzikiriza, okimanyi. Bwe kiba si bwe kiri olwo Iwaki bakyala baffe ba njawulo gye tuli? Era Iwaki-Iwaki bagundi...baffe. Okiraba? Tuli...bakyala baffe, abaami baffe n'abalala, ki-kintu kya njawulo. Ekyo ky'olina ku mikwano gyo. Waliwo ekintu ekirala ekiri awo nga oyagala kubasisinkana oyogerekko bwogezi nabo. Wabaawokko obuntuntu.

Era ndowooza ku kisenyi eky'edda akakanisa kano we kaalinga, kale bwe kaali tekannazimbibwawo kyalinga ki-kidiba budiba. Eyo y'ensonga Iwaki oluguudo olwo Iwayisibwa ludda eri okwebalama ekidiba. Kino kya buggagga kyennyini, oluguudo luyitira ddala awo ku mulyango kwennyini. Naye nga, kyali kidiba budiba. Era nzijukira nga nfuluma wano okunoonya aw'okuzimbira Mukama ekanisa, nga nkyali muvubuka.

7 Bano ne mbawuliriza, omulenzi, ono omuvubuka wano n'oli omulala, nga basaba akaseera akayise,

n'omuliro ogwo gwonna ne ndowooza nti "Omanyi nange nasobolanga okusaba bwe ntyo, nga kyenkana ssissa na mukka." Naye ate bw'okula, ogenda okendeera mpola, omanyi, kye ekkyo. Oba okyatambula, wabula nga oli mu ggiya ya kubiri" nga bwe nnagamba eyo Owoluganda Wood. Naye, kasita ova nga...Ate awo oluvannyuma n'okka wansi mu ggiya eya wansi, ndowooza bw'oweza emyaka ensanvu ova ekinaana. Newankubadde, era omanyi, ...obeera okyatambula. Kasita ova nga okyasobola okutambula waliwo njawulo ki? Kaseeera katono kokka akeeyongerako okutuukayo eyo.

8 Nzijukira engeri gye nnasabangamu, wano wennyini mu muddo guno, wano wennyini kaakati awali ekituuti, erudda awo nga we kiri, awo we nnasimba akati we nnamanya okuteeka ekituuti. Mukama Katonda yampa ekifo kino... Yee, ssebo. Kaakati, awo wennyini awali ejinja ery'oku nsonda we wali obujulizi bwange obw'okwolesebwa ku makya lwe nnabuteekawo mu kiseera ekkyo bwe nali sirowooza nako, bw'agamba nti, "Lino si kkunjaaniro lyo, wabula kola omulimu gw'omubuulizi w'enjiri," bw'atylo bwe Yayogera. Ne ntunula ebweru eyo ne ndaba ensi yonna, obwengula nga bwa bbulu omutangaavu, abantu nga bava buli wamu wonna; buli awo mu jjinja ery'oku nsonda. Ssaakirowooza nako nti kirituukirira; newankubadde nga okwolesebwa bwe kutyo bwe kwagamba; naye tekulemererwa, mu buli ngeri kigenda kutuukirira.

9 Mu wiiki eno, mbaddeko nnyo bye bambuuza, kubanga olwa Sande, Okubeerawo kwa Mukama okw'ekisa kwakka wansi. Ate nnalina okuvaawo ku Bbalaza.

Nnina...abaana, tebannawummula. Okuwummula okwange kujja luvannyuma, nga wayiseewokko akabanga. Naye njagala abaana bo mbongereyo kko akaseera. Kaakati balina okuddayo ku ssomero, kale ne ndowooza nti ova oli awo buno bwe budde obwandibadde obutuufu. Wiiki ejja twolekede Chicago eyo mu lukuunjaana olwo.

Naye ate ama-amafuta ag'Omwoyo, nalowoozezza nti, Kaakati kye kiseera okubeera ne bye mbuuzibwa." Kaakati bwe budde buno...we nsobelera obumu ku bwo okubukwatako eyo. Era waliwo... abamu ku bantu abaabadde eyo mu kasenge mbalaba batudde wano. Bamanyi ova nga Mukama Yatusisinkanye ova nedda.

10 Ssi kya bulijjo nti...buli omo nga oggyeko abakyala Billy be yatadde mu kabanga basooke, waliwo omukyala ava mu Luosiville, yabadde n'akawala akaabadde wano, ndowooza bammemba ba Church of God eyo mu Louisville, ova erudda eyo. Naye buli nsonga, buli omo eyayingidde, nga ssinava waka Omwoyo Omotukuvu bonna Yabambuulidde abagenda okubeerawo wano, na biki bye bagenda okusaba. Nabiwandiise ku kapapula n'ayogera biki byennyini bye bagenda okusaba ne bye bagenda okubuza engeri gye bagenda okubibuzaamu, n'engeri gye bigenda okwanukulwamu. Olwo awo ne njamba nti, "Kiikino ky'ogenda oku...kaakati labayo, eddakiika ntono emabegako wano. Omwoyo Omotukuvu...Ne njenda ku mmeeza ne njamba nti, "Olaba? Kino Yakinjambye nga tonnaba na kujja." "Olaba?" Naye nnabadde nkyali mu nnyumba, era ani agenda okubeerawo na kiki ekigenda okubeerawo, endowooza yaabwe eneebeera etya, ne byonna ebikikwatako, bwe nabadde ssinava waka.

11 Ebiseera mbiraba, emirundi mingi, nga nzija mu kkubo, nsaba, nga nnyinza okulaba olunyiriri olwo olw'abantu abagenda okusabirwa mu maaso gange, nga ssinaba na kutuuka wano. Bwe kiri. Ne mmanyia ne mu kkanisa we bagenda okutuula ne...engeri gye bagenda okwambalamu n'engeri gye bagenda okufaanana. Abantu ebyo tobibabuulira byonna. Ggwe...Waliwo ebintu ebigena mu maaso by'otamala gababuulira. Tekyetaagisa kubabuulira. Abantu mbabuulira ebintu bye ndowooza nti bye bigenda okubayamba, okugamba nti, "Yogera kino." Tewandyagadde kwogera buli kintu ky'olabye, kubanga labayo, ekkyo tekiba kituufu. olaba, Ggwe ky'okola..kkwo okuba, ogwa mu buzibu na buli kimu ekifaanana bwe kityo. Olina okumanya engeri gy'okwatamu ebintu ebyo nga Omwoyo wa Mukama y'akuyamba

12 Abantu bazzenga mu maaso gange ne bambuuza ebintu, bye mmanyidde ddala, naye ne ssibabuulira, kubanga mba mpulira nga njaaanibwa okukikola. Mujjukira, ndowooza ova kaali kawungeezi ka Lwakusatu olwayita, lwe nnabuulira ku Omusibe? Olaba? Laba, omuntu oyo oyagala okumubuulira, wabula Ekintu ne kigamba nti, "Tokikola." Omwoyo n'Agamba nti, "Tokikola. Tokikola" So nga ekirabo kiba kikirabira ddala. Laba, n'omala okikola; ogwa mu buzibu ne Katonda.

13 Kaakati, tetujja wano kawungeezi kano kuyimirirawo buyimirizi. Twagala kuwulira Kigambo kya Mukama. Mubadde musaba era tubadde n'akaseera akalungi, era-era nze...bulijjo bwe nzija wano mmanyia ndeeta akatabo katono omuli eky'okuyiga kubanga waliwo...Oluusi Owoluganda Neville wa kisa nnyo kubanga abeera ambuuza, "Kino onaakikola," ova Kiri onaakikola, ova "Onaayogera?" Mpitaayitamu wano okutuusa lwe nzuulayo eky'okuyiga awo olwo ne tutandikira awo. Era nkakasa...Kaakati, mubeera bakakafu ku Sande...

Kaakati ssi...Tetumanyi, tetuyinza kubabuulira. Laba, emirundi egimu nzize wano n'e-n'ekyokuyiga mu mutima gwange kye mba njenda okwogerako, okutuuka wano ne nkikyusiza ddala. Mba mpandiise n'Ebyawandiikibwa, nga njamba nti, "Guno omutwe gwe njenda okukozesa, bino Ebyawandiikibwa bye njenda okukozesa. Nga bwe mbitegese, njenda kwogera ku kino, kiri n'ekirala." Nja kuwandiika, okugeza nga Abakkolinso Ekisooka 5:15, n'Abakkolinso Eky'okubiri 7:1, ne Matayo 28:16, n'ebirala, ne mbiteeka

bwe ntyo, wano bwe nti, ebyo Ebyawandiikibwa ne mbiteeka awo bwe ntyo. Ntunulayo awo, mmanyi kiki Ekyawandiikibwa kye kigamba awo; oluusi ekyo ne sikkwata nako, ne njenda ku kintu kirala, okutwaliza awamu. Kale ffe tetumanyi.

14 Kale kaakati, Mukama ng'ayagadde, njagala okwogera, nga nzigalawo enkunjaana zino ez'okusaba ebbanga lye tubadde wano, okuva ku makya ga Sande, ku buli kintu kyonna ekikulu. Kale, kaakati, tujje nga bukyali, nga mwetegese okulwamu kko, mpozzi ku ssaawa nga munaaana awo bwe watyo. Kale nno kiri nti...Omutwe ogwo ngulinako Ebyawandiikibwa ng'asatu oba ana bye nnamaze okuwandiika, naye ndowooza nti...kye njenda okugezaako okukola, Omwoyo Omutukuvu bw'Anaaba Annyambye, kukwata Obubaka n'ekifo wa we Buli kaakati, mbuzimbire we Bwatandikidde, mbuzimbe okubutuusa mu kiseera kino.

15 Kale kibe nti bwe-bwe naava e Chicago, awo nnina okugenda butereevu mu Arizona, nneeyongereyo, bwe ntyo. Nze nga bwe mmanyi, kale kiyinzika okuddamu okubeerawo mwaka gujja, oba oli awo mu budde obw'ebbugumu, nga ssinaddayo nate mu kkuinjaaniro, okuggyako mpozzi nga kuyitako buyisi wano, kubanga nina enkkunjaana.

Era Billy, mu kiseera kino kyennyini ategeka bya mitala w'amayanja okwetooloola ensi yonna okutandikirawo mangu ddala nga Ssekukkullu yaakkaggwa. Era ebbanga eryo lyonna okutuukira ddala mu December ninawo wensabiddwa okuweereza, kale, nno, oba oli awo e Dallas awo nga mu wiiki esooka mu December. N'olwekyo-nno olwo mu January twagala okutandika olugendo olujjuvu mu nsi yonna, okugyetooloola, yonna, era ekyo kaakati kye tukolako, tunoonya wa Mukama gy'Anaatulaza. Era-era neebaza nnyo aba... n'eri abantu, abaweereza, newankubadde nga njogera ebiwakanya ebibiina-byabwe eby'amadiini n'ebintu ebifaanana bwe bityo.

16 Ku bitabo ebyo ebiri emabega awo, mumanyi, Owoluganda Roy Borders y'akola ku mabaluwa agatuyita, kale okuva ku Ssekukkulu, ku lusooka omwaka, tufunye okuyitibwa okusukka mu lukumi nga kuva mu nsi yonna. Uh-huh Okuyitibwa okuli mu lukumi kuzze eyo. N'olwekyo Mukama y'Alina okunkulembera mu ezo zonna wa gye mba njenda, na kiki eky'okukola. Twesigamako bwesigami ku Ye. Tosobola zonna kuzikwata. Mu biseera eby'ekyeya bw'oba oli wa kukikola tosobola kuzigendamu kusussa mu munaana ova mu kkumi, okumalirako-ddala...okuggyako nga akawungeezi akamu ogenda n'obeerako mu luno ate akawungeezi akalala n'ogenda mu luli, ate nga...bakwagalayo wiiki bbiri ova satu, n'ebirala, kasita ova nga onaabeerayo, ova abamu bagamba nti, "Mukama nga bw'Anaaba Akukuleembedde," era-era byonna weebityo, bwe kityo nga tomanyidde ddala wa wennyini aw'okutandikira ova na kiki eky'okukola. Kale nno tubitadde buteesi mu maaso ga Mukama, ne, tugamba nti, "Mukama, Kitaffe ow'omu Ggulu, kaakati tubuulire." Era munnyambe okusabira ensonga eno, laba, munnyambeko tusabe kino tukivvuunuke.

17 Oluvannyuma lw'olukunjaana lw'okusabira abalwadde wiiki eri eyise, nalowoozezza, nti mpozzi Sande eno singa tukwata ku kuyigiriza ne tulaga biro ki-ki bye tulimu... wa we tuli, ekigendererwa ky'entegeka ya Katonda eky'emitendera esatu ng'emisingi gy'ensi teginnabaawo, okukireeta leero, ekigendererwa ky'entegeka ya Katonda eky'emitendera esatu, entegeka. Kaakati nkola ku kitundu kyayo eky'okusatu, nzigayo Ebyawandiikibwa n'okubiteeka we bigya.

Kaakati, leka tulabe, tukotekoko ku mitwe gyaffe.

18 Mukama Yesu, Omusumba omukulu ow'ekisobo, tukunjaanye wano akawungeezi kano mu Linnya Lyo erisingayo okub ery'ekisa. Tukwagala, Mukama, Tukwebaza olw'olukunjaana lw'okusaba kw'akawungeezi kano, olw'ennyimba z'ekkanisa nga bwe tuziyimbye n'essanyu mu mitima gyaffe, ne-n'okuziwulira nga bwe zija, nga tukuba mu ngalo. Olwo n etugenda ku maviivi ffenna ne tufuka emitima gyaffe Gy'oli, ne tukwebaza Gwe olw'ebyo by"otukoledde, n'okukusaba okweyongera okutambula naffe.

Era kati essaawa etuuse ey'okusoma Ekgambo era ne y'ekintu eky'okwogerako, eri abantu. Tulagirire mu birowoozo byaffe, Taata, weefunire ekitiibwa. Era baako ky'oyogera ekiro kya leero, okuyita muffle, ekyo ffenna kijja kutuyamba okufuluma wano n'ekigendererwa mu mitima gyaffe okubeera obulamu obusingawo n'okukusemberera okusinga bwe twali tukikoze. Y'ensonga Iwaki tuli wano, Mukama, tuli wano Iwa kweyongera kukumanya Ggwe. Era tusaba nti Onaayanjuluza obunene Bwo obw'ekitalo gye tuli mu kubikkulirwa kw'Ekgambo Kyo, tulyoke tumanye ngeri ki ey'okweyongera okuba Abakristaayo a-abalungi mu nnaku zino ezisembayo. Tusaba mu Linnya Iya Yesu. Amiina.

19 Kaakati, amaaso gange gagwa ku ky'okuyigako wano mu Isaaya, Isaaya 38. Leka tusome awo mu Isaaya, Isaaya 38.

*Mu biro ebyo Keezekiya n'alwala kumpi n'okufa. Isaaya nnabbi mutabani wa Amozi n'ajja gy'ali n'amugamba nti Bw'atyo Bw'ayogera Mukama nti Teekateeka ennyumba yo; kubanga ogenda kufa so togenda kulama.*

*Awo Keezekiya n'akyusiza amaaso ge ku kisenge ne yeegayirira Mukama n'ayogera nti.*

*Jjukira kaakano ayi Mukama, nkwegayiridde, bwe nnatambuliranga mu maaso go n'amazima n'omutima ogwatuukirira, ne nkola ebiri mu maaso go ebirungi. Keezekiya n'akaaba nnyo amaziga.*

*Awo ekigambo kya Mukama ne kijjira Isaaya, nga kigamba nti,*

*Genda ogambe Keezekiya nti Bw'atyo Bw'ayogera Mukama Katonda wa Dawudi kitaawo, mpulidde okusaba kwo, ndabye amaziga go, laba, ndyongera ku nnaku zo emyaka kkumi n'etaano.*

20 Mukama ayongere emikisa Gye ku bino ebisomeddwa. Nzirkiriza mutwe mukulu nnyo olw'obubaka obumpi buno wano. Njagala okubuyita. *Katonda Tasalira Muntu Musango Nga Tasoose Kumulabula*. Kale tu-tulina okukwata omusingi gwakyo oba we kisinziira, mu mutwe guno akawungeezi kano. Katonda nga alabula omuntu nga tannafa.

Kaakati, kino buli omu kimutuukako. Tuyinza okugamba mbu, "Kale, ono munaffa yafudde talabuddwa." Nedda, nedda, nedda. Katonda ta...tomanyi kiki ekyali mu mutima gw'omusajja oyo, ebyali bigenda mu maaso mu bulamu bwe tobimanyi. Olaba? Tewali muntu Katonda gw'aleeta mu kufa nga tasoose kukimbuulirako, okumubaalira, kye kintu, okweteekateeka. Katonda mu-musukkulumu, era Ako-Akonkona ku mutima gwa buli muntu, n'amuwa akakisa okujja. Kaakati Ekyo, ayinza okukiziimuula n'akiyiwa, n'akinyeenyeza n'omutwe n'avaawo, ng'agamba mbu" Ah nina engeri gye nneewuliramu, nja kukiraba ekyo." Wabula mu buli ngeri, abadde Katonda, nga Katonda y'Ayogera gy'ali.

21 Era Katonda taleeta na musango ku nsi nga tasoose kulabula bantu. Katonda tewali ky'Akola nga tasoose kulangirira kiki ky'Agenda kukola. Abantu abaleka ne balondako, oso-osobola okukola ekituufu oba ekikyamu. Ye bw'Atyo...Labayo, Katonda tasobola kukyusa bu-butonde Bwe. Entegeka Ye teyinza kukyuka kuva ku kye yatandika nakyo, kubanga taliiko kkomo era entegeka Ye n'ebirowoozo Bye byonna tebiriiko bituukiridde. Bwe kityo, singa Abikyusa ekyo kiba kiraga nti yeeyongedde okuyiga. N'olwekyo, olw'okubeera nti taliiko kkomo, Tayinza kweyongera kuyiga. Okusalawo Kwe-Kwe-Kwe okusooka bulijo kuba kutuukiridde, kale teriyo kintu kiyinza kukikyusa. Olaba?

Katonda, omuntu yali tannaba...kubaako w'asinziira kukola kikyamu, Katonda Yamuteeka ku musingi we yali asabolera okukiriza oba okugaana,

nga asobola okusembeza ekimwolekeddwa oba okukigaana.

22 Ye, ate gamba, singa omuweereza oyo abadde wano, Owoluganda Baker, nkakasa yabaddeyo eyo mu kwanukula ebibuzzo jjuuzi. Ebibuzzo bye mbirina bye yali yawampadiikira ku zzadde ly'omusota. Mbirina biri wano kaakati. Bw'aba waali wano, Iwaki, kale...ssirina we mmulaba mu kiseera kino kyennyini. Naye byo biri wano. Ye ne mukyala we, musajja mulungi nnyo, n'o-n'omukyala, wabula nga waliwo ebantu bye bataategeera ku kuyigiriza ku zzadde ly'omusota, engeri-engeri ...ebimu ku bibuzzo ku bye nnayogera, ku-kuwaka n'ebirala. Naye nze...olwo kiri nga owoluganda, muntu mulungi, Mukristaayo yaakamala emyaka oba nga ebiri, naye ekyo teyakitegeera butegeezi, labayo.

23 Kizibu bw'ota...Olina kwesigama ku Mwoyo Omutukuvu kubanga Baibuli yawandiikibwa mu ngero. Tosobola kumala gatuula wansi n'ogisoma ng'amawulire g'empapula. Bikweke. Yee, ssebo Katonda wandimugambye otya nti mutuufu eyo waggulu, bwe Yagamba Musa nti, "Kaakati, tokolanga kifaananyi kibajje kyonna," "tokolanga kintu kyonna kifaanana nga Ggulu, Malayika ye-yenna, oba ekintu ekirala kyonna. Temukolanga bifaananyi bibajje," so nge ate ku lunaku lwe lumu yamugamba okubumba Bamalyika babiri mu kikomo ekizigule abateekere ddala awo ku ntebe y'ekisa. Awali ekisa? OLaba? Olina okumanya Katonda n'Obutonde Bwe nga tonnategeera Kigambo Kye. Ye Yennyini y'A-y'A-y'Alina ekisumuluzo ku Kigambo ekyo, era Ye Yekka-Asobla okukikwata n'akibikkula, n'olwekyo Ye y'alina okukibikkula.

24 Kale kakati, tusanga nti obutonde Bwe, wano, buljo bulabula omuntu nga omusango tegunnabaawo, okulabula eggwanga nga omusango tegunnabaawo, n'ebirala. Olubeerera Alabula, okutujukiza ffe, ku buvunaanyizibwa. Tuvunaanyizibwa, era Katonda atuteeka wano olwa, tuvunaanyizibwa gy'Ali olw'ensonga eyo. Osaanye okugenda gy'Ali onoonye kiki ky'Ayagala okole. Olaba? Bw'oto...

Singa ogenda okukolera omuntu, n'akuwa omulimu ku ddundiro, oba ekintu ekirala, n'ogenda mu kigango n'otuula butuuzi eyo, n'ogamba nti, "Kirungi?" Labayo, otekwa okugenda okumubaalira kiki ky'ayagala okole, awo olyoke okikole. Singa oba okolera muntu, manya emirimu gyo.

Awonno obulamu bwaffe oba buli wano ku-ku nsi olwo tugende eri Oyo Eyatuteeka wano, tumubuuze, "Mukama kiki ky'Oyagla nkole?" Kiki-kiki-kiki kye nteekeddwa okukola? Lwaki ndi wano?" Bwe kuba kubera mukyala mu maka, mwozi wa bintu, bwe kiba kya kubera bwe nt yo...Kyonna Katonda ky'Ayagala okole, kola ekyo kyennyini nga bw'osobola nga bw'omanyidde ddala okukola. Si nsonga ne bwe kiba kitono kitya, otekwa okukikola.

Ogamba mbu," Kale, ..." Obuzibu obukiriko buli nti, buli omu kuffe ayagala kukola mulimu gwa munne. Fenna twagala ffe tuba tuba n'omupiira, laba, nga bwe tugamba.

25 Nga essaawa eno wano, kaakati, buli kantu konna mu yo akatambula kaba kalian ekifo kyako. Kaakati, buli kitundu ekigiriko byonna tebusobola kubeera bulimi. Kaakati Nze ntunuulira butunuulizi bulimi okumanya essaawa ziri mmeka. Naye muvo oluviiri olumu lwokka singa luva mu kifo kyalwo, awo eyo tejja kulaga biseera bituufu.

Bwe gutyonno bwe guli ne ku bantu. Fenna, nga Omubiri gwa Kristo buli omu okubeera mu kifo kye mu bulambulukufu, Olaba? Kale tusobola okwetoolooza amaaso ne tulaba budde ki bwe tulimu. Olwo awo ensi eba etunudde okulaba kiki kye kiri. Olaba? Olaba? Naye bakutaddeko amaaso. Kale ne bw'oba oli lufungu oba luviri olunene, oba kyonna ky'oli, gwe kolera ddala omulimu ogusingayo gw'osobola okukola ku ekyo.

26 Kaakati, olw'okubanga, tulina obuvunaanyizibwa olunaku olumu bwe tulina okubuzibwa ewa Katonda. Era, bangi ku ffe, obuwereza, tugenda kubitebya. Tu...Obuvunaanyizibwa buno buweereza Katonda bw'Atuwadde, sifaayo ka bube ki. Era nagambye gye buvuddeko katono, "omukyala owa awaka," abeere mukyala yennyini owa nnamaddala. Bwe kiba kya kuba mulimi, beera mulimi omutuufu. Leka kibe kiki Katonda ky'Akutaddeko okukola, ekkyo obeera okirinako obuwereza, olikibuuzibwa Katonda, kubanga kyetaagisa bintu bino byonna okukikola.

27 Keezekiya yagambibwa okutegeka n'okweteekateeka kubanga yali ateequa okusisinkana Omuronzi we. Kaakati, Keezekiya yali kabaka, era omusjja ow'ekitalo. Wekkanyizza okwegayirira kwe wano? "Mukama, nkwegayiriddde ondowoozeeko ntambulidde mu maaso go n'omutima omutuukirivu." So obujulizi obw'ekitalo gye-gye-gye tuli, era bwe kisaanidde okuba, nti omuntu atambulira mu maso ga Katonda.

Wadde n'okufa kwalangirirwa ku muntu so nga Katonda yakyusa endowooza Ye ku muntu ku ekkyo, Iwakubanga Keezekiya waliwo kye yayagala okukola ate nga Katonda Yagamba nti "Alituwa bye twagala mu mitima gyaffe" Kale ekiseera kya Keezekiya kyalina okutuuka, n'a-n'alwala kookolo, oba ekintu ekifaanana bwe kityo, mu nnaku ezo ne-ne bakiyya "ekizimba", naye tumanyi nti ebizimba bulijjo tebitta, bikkakkana bukkakkanyi. Katonda n'Agamba Yisaaya, nti, "Genda eyo omugambe nti agenda kufa." Ate nga waliwo Keezekiya kye yali ayagala okukola." Yali-yali...

28 Katonda bw'omwegayirira ekintu olina okuba n'ensonga Iwaki. Kiringa Ekyawandiikibwa kino wano bulijjo kye ntera okujuliza nti, "Bw'oligamba olusozi luno nti, 'Sigulibwa.' N'otakibusabuusa, n'okkiriza nti ky'ogedde kigenda kutuukirira, osobola okufuna ky'oba oyogedde." Kaakati ekkyo kyonna kifugibwa ky'oba oluubiriara n'ekyoba ogenderera, laba tekija kutuukirira. Olaba?

Omala gagenda eyo...Eyo bangi ku ffe gye tukolera ensobi nnyingi, kugenda eyo n'ogamba nti, "Kaakati, nja kukulaga nti nina okukkiriza okusobola okukola kino." Eky'okusooka, oli mukyamu. Katonda takuwa kirabo kumala gakizannyisa.

Nga bwe nagambye gye buvuddeko katono, takuwa kwolesebwa kumala gazanya nakwo. Ekkyo si kye kintu ekky'okuzannyisa. Ekkyo kintu kitukuvu. Gwe kikozese mu...nga Mukama bw'Anaakukulembra. Beera musibe We. Newankubade oyagala nnyo okugamba omusajja oyo nti mukyamu, nti era ekkyo kintu ki, kino, oba kiri sirika okutuusa nga Katonda Akugambye. Awo Katonda bw'akugamba, awo osobola okuja ne BW'ATYO BW'AYOGERA MUKAMA! Ekkyo nga tekinnaja, weerabire.

29 Ensi-ensi ennaku zino efananira ddala nga Keezekiya bwe yali mu biseera ebyo. Ebbanga lyonna eri mu kulabulwa. Ekkansa eri mu kulabulwa. Era kaakati, ebintu bino tebimala gagwawo bugwi. Byonna bibaako ekiri emabega waabyo.

Kaakati Keezekiya nga bwe yali omulwadde, nga alina ekizimba kino, teyajja buzzi mu butanwa. Katonda yatum Isaaya okugenda eyo amugambe okuteekateeka ennyumba ye kubanga yali agenda kufa. Keezekiya n'akaaba, n'agamba Katonda nti, "Ntambudde mu maaso Go n'omutima omutuukirivu kale nku-nkusaba ojira olekawo obulamu bwange olw'ensonga, ensonga ennungi, ensonga eya Katonda."

Katonda n'Agamba nnabbi nti, "Ddayo omugambe nti."

30 Kaakaati ekkyo tekyewuunyisa? Keezekiya ye yali omusajja asingayo okuba ow'amaanyi mu ggwanga. Olaba? Keezekiya yali kabaka, era omuntu atya Katonda. Yali musajja yennyini oba yeegayirira Katonda Katonda n'Atamunenya olw'ekkyo, "Ntambudde mu maaso Go n'omutima omutuukirivu." Kaakati okwo kwogera bingi nnyo. Olaba?

Era Katonda teyagamba nti "Nedda, Keezekiya, tewakikola,' wabula Yakkiriza nti yakikola. N'Agamba nti, "njenda kwongezaayokko obulamu bwo? Olaba?" "njenda kukuwa ky'osabye," laba, kubanga omusajja ono ali atambulidde mu butuukirivu, yali-yali awwererezza dddala Kristo.

31 Kale nno tuwulira muli nti tulina eddembe okubaako bye tusaba bwe-bwe kiba nti ekigendererwa kyaffe kituufu, n'ekkyo kye tuba tuluubirira.

Kaakati, tulaba ennaku zino nti okumala emyaka mingi, leka ngambe nti emyaka kkumi n'etaano

egiyisse, n'okusingawo, nti ebbanga kyonna wabaddewo okulabula wonna mu ggwanga nti, "Mwenenye oba si ekyo mugenda kuzikirira!"

Weetegereze, olwa leero nabadde njogera n'omukyala ku makya, ne...ku kyenkyा nga obudde bukyali, twabadde ku lujjuliro nga twogera nga ssinnava waka. Ne njamba nti, "Mukyala..." Yabadde ayogera ku Billy Graham, ne ku mukyala we, engeri buljo gye bagezaako okutambuzaamu obulamu. Ne ngamba nti, "Oyo muweereza yennyini nga bw'atagezaako...bw'a...omusajja awezaayo obukadde obusatu buli mwaka mu nkunjraana ze naye tabufuna, ekibiina kye kye kibutwala, ne kibizzaayo mu mulimu n'okusaasaanya, n'ebirala. Ye Billy n'afuna emitwalo ebiri mu enkumi ttaano buli mwaka."

Omukyala n'agamba nti, "Aba asobola atya okukozaesa emitwalo ebiri n'ekitundu omwaka?"

Nze ne njamba nti, "A-atwala ezo zokka z'aba yeetaaga, kye ekyo. Alina amaka ag'okusasulira, na buli kimu." Ne nnyongera ne njamba nti, "Billy Graham mmussaamu nnyo ekitiibwa," Ne njamba nti, "kubanga alina obubaka, era obubaka obwo kwe kwenenya."

Era, mbabuulire, mu bantu be manyi mu ggwanga ennaku zino, teriiyo muntu Katonda gw'Akozesezza nga Billy Graham," ne njamba nti Ha, akikolera ddala bulungi nnyo ayimirira buyimirizi awo, kye ntegeeza ayita bannabyabufuzi n'ab'amakanisa okwenenya. Wabula awo w'akoma.

32 Omuweerezza wa Mukama omulala ow'amaanyi Oral Roberts n'ayingirawo. Era eyo teriiyo mulala gw'oyinza kugeraageranya na Oral Roberts. Okwo okukwata omuntu n'omunyweeza n'ogoba emizimu n'okuyita Erinya ly Mukama n'o-n'okukyamuukiriramukko, n'ebirala, ku kuwonyezebwa okw'obwakatonda. Ekyo ddala kituufu. Wuuyo awo omubaka eri Pentekoote.

Waliwo omubaka eri ensi y'ebibiina by'amadiini amagunje, laba, n'eri ensi ennyinyogovu.

Awo ate weetoolooze amaaso olabe, mu buweereza obwaffe obutono obukkakkamu, bwo kye buliko kiri nti, "Yesu Kristo ye omu jjo, leero, n'emirembe gyonna." Ekyo kiki kye kikola? Labayo, kuyitayo kibinja ekyo Omugole. Olaba? Laba, kiyitayo okuva mu bibinja ebyo byombi. Kijja Namuziga mu namuziga. Mulaba kye ntegeeza?

33 Ate Katonda n'akinyweeza nti Billy Graham abuulira. Katonda awonya abalwadde okuyita mu ssaala za Oral Roberts. Era Katonda aleeta ebintu Yesu Kristo bye ...akakasa nti Yesu Kristo ye omu jjo, leero n'emirembe gyonna. Era ebintu biyitibwa...Bwe bubaka obw'omulembe oguliwo. Era buli bumu ku bubaka obwo bugamba nti; "Mwenenye, oba si ekyo mugenda kuzikirira!" Kye ekyo. "Mwenenye oba si ekyo mugenda kuzikirira." Tewakyali ssuubi, lyonna liwedde. Ensi erabuddwa ku kujja Kwe. Obubaka obwo bwonna bwogera era bulabula ku kujja kwa Mukama Yesu, n'eri ekkanisa ey'ebibiina by'eddini

34 Jjukira bulijjo Katonda abeera mu bisatu. Nga Kitaffee, Omwana, n'Omwoyo Omutukuvu; n'okujibwako omusango, n'okuba-...n'Okutukuzibwa; n'ebirala, ali mu bisatu.

Kaakati, Katonda bwe bubaka obwo obw'okwenenya eri ekkanisa eya bulijjo. Katonda ali mu bubaka obwo obw'okuwonyezebwa eri ekkanisa ya Pentekoote. Kaatonda Ali mu Bubaka eri Omugole. Olaba? N'olwekyo tusanga nti obwo bwonna buyita, obumu eri kino, obulala eri kiri, n'obulala eri ekyo. Katonda nga ayita ekkanisa okuva mu nsi; e...ekkanisa eyitibwayo okuva mu bibiina by'amadiini ebigunje eyingire mu Pentekoote; n'okuyita Omugole okuva mu Pentekoote. Olaba?

Nga Luther, Wesley, ne kaakati. Labayo, kyonna mu bulamba kyolekebwa awo era tekiriiko nsobi yonna. Kyonna gye kikoma nkikoonyeeko, enjuuyi zaakyo, mu nda waakyo ne ku ngulu waakyo, ne nkiraga nga nkozaesa Byaawandiikibwa, engeri gye biddirijnjana, ne tumanyira ddala nti ge Mazima gennyini ag'enkomeredde. Olaba? Tewali nsobi. Leka nsuubire nti ku Sande Katonda agenda kuyingiriza ddala ebuziba mube nga temulikivaako n'akatono. Mulaba?

35 Kaakati Katonda Alabula nti, "Mwetegekere okulamulwa." Bbomu zinnnamuzisa ziwanikiddwa ku butandaalo, na buli kimu kiwedde okutegeka. Era, Katonda nga kino tannakikkiriza kubaawo, asooka kuyita nga bwe Yakola mu Sodoma, "Mukifulume. Mwetegeke. Waliwo ekintu ekigenda okugwawo."

Nga bwe byali mu nnaku za Nuuwa, Katonda nga tannasindika mazzi okuzikiriza ensi yonna eyaliwo mu biro ebyo eyali eyingidde mu kwonoona, era Yesu Yagambira ddala butereevu nti olunaku Iwali bwe lutyo. "Nga bwe byali mu nnaku za Nuuwa, bwe bityo bwe biriba ne mu kujja kw'Omwana w'omuntu.' Abakazi nga bataamye, nga bawasa era nga bafumbirwa, era nga-nга waliwo obuwanguzi obw'amaanyi bungi nnyo obutuukiddwaako mu bya ssaayansi, era nga abagezigezi abayivu ku ludda olw'eb'yobwongo, so nga Akasibo akatono kko kayimiridde ku luuyi luli kalindiridde omusango ogubindabinda ko kasimattuke. Era Katonda Yali tannasindika musango ogwo, Yasooka kutuma nnabbi.

Nga bwe Yakolera ddala ku Keezekiya, Yagamba nti, "Weetegeke, kubanga omusango gunaatera okugwawa."

Mu biro ebyo yategeka abantu. Nuuwa yateekateeka abantu, kale kisa kye kyayita nga omusango

tegunnajja.

36 Nineve baamanyisibwa nga ekiseera kyabwe tekinnatuuka. Katonda Yatunula wansi ku Nineve, n'agamba nti, "Ebintu bino mbi-mbikooye era bindwazizza." Nki—nki-nkimanyi nti-nti...newankubadde nti eggwanga eddene ekkaafiiri eryo ery'Abamawanga...Ekibuga kyabwe, nga bwe kyali mu nnaku ezo, baabalamulanga kusinziira ku kibuga, kaakati basinziira ku ggwanga, kaakati nga abantu engeri gye beeyongedde obungi. Yagamba nti ekibuga ekinene ekyo, kyonna, kiggweeredde mu kwonoona."

Era Katonda, Yabanga tannasindika musango Yasookanga kusindika bubaka bwa kulabula, "Mukifulumemu! Mweteeketeke!" Wekkaanye, nnabbi talina kye yayogera okujjako-okujjako kwete-Yagamba nti, "Mu nnaku ana ekibuga kino kigenda kuzikirizibwa."

37 Era, ha, oluusi kizibu okukola ebintu ebifaanana bwe bityo, okugamba abantu. Nnabbi singa teyeetegereza aba ajja kugwa mu buzibu, mu ngeri emu ajja kuwabira ku ludda olumu, nga agezaako okubigonza, oba okwekkiranyaamu kko katono wano na wali. Naye nnabbi yennyini owa nnamaddala afunye ekiragiro kuva wa Katonda, tateekeddwa n'akatono kwekkiranya ku kintu kyonna, ateededdwa mu buli ngeri yonna ekintu kukyanika awo.

Eyo ye nsonga Iwaki Yakozesa nnyo mwoyo wa Eriya, labayo, kubanga omwoyo oyo bulijjo yatuukirizanga ebiragiro Bye. Olaba? Laba, gwatuukiriza ebiragiro bye mu ngri yennyini nga bwe byali, era olubeerera kiri nti, "Mukomeewo ku Kigambo!" Olaba? Olubeerera gubakomyawo ku Kigambo.

38 Kaakati tusanga Nineve mu kibi. Era nnabbi yalonzalonza kubanga yali nsi y'Abamawanga; si eyiye, tebaali Baebbulaniya. Baali Bamawanga. Emmeeri ennene, Nineve gwali mwalo gwa bya busuubuzi, omwalinga obuvubi obw'amaanyi, abantu baavubanga. Era-era baalina-bateekwa okuba nti lyali ggwanga lyonoonyi nnyo ddala. Ssente nnyingi; era ssente we zibeera nga nnyingi, era nga abantu endowooza zaabwe za mulembe, ekibi bulijjo kiyengirawo, n'obutabanguko.

Katonda Yali Akikooye. Kale mu ggwanga Yalinamu nnabbi, kye Yava agamba nnabbi nti: Genda emmanga eyo e Nineve oyogeere waggulu, ogambe nti, "Mu nnaku ana okuva kati ekibuga kigenda kuzikirizibwa.

Yona, kaakati n'alowooza nti, "Omanyi, nsobola okufunamu kko obuzibu." Kye yava ayagala okwetyongera okukakasa, kale n'alowooza nti oba awummulemu kko-aserengete e Talusiisi. Era twasanga nti e...waali wasigaddeyo ennaku ana zokka. Olaba?

Kale Obubaka bwa mangu nnyo, ekiseera kituuse. Va mu kuzannyira mu bintu ebirala okufuna Bachelor of Arts Degree obeeko by'ozuula. Essaawa etuuse! Obwo bwe buzibu obuli ku bantu ennaku zino, tuli mu kugezaako kuzimba masomero n'ebintu ebinene bwe bityo. So nga ekisa...Bannange! Oba tubuulira Kujja kwa Mukama, amasomero twetaaga ga ki? Twetaaga kwenenya eri Katonda! Olaba?

39 Nga omuminsani omuvubuka Hudson Taylor bwe yagamba, yamugamba nti, ...Oba, omulenzi omuto Omucayina yajja gy'ali, n'amugamba nti, "Mwami taylor," n'agamba nti, "Mukama Yesu Yanzijuzza Omwoyo We" N'agamba nti, "Ndi-ndi musanyufu nnyo!" N'agamba nti, "Kaakati ntware emyaka kkumi okufuna zidiguli zange n'ebirala?"

N'amuddamu nti, "Mutabani, tolinda zi diguli. Etabaaaza bw'eba ekoleezeddwa, genda ogibuulire! Genda ogibuulire. Tolinda zi diguli. Nedda. Onaaba tonnamala kufuna zi diguli zo ojja kuba okonye."

Leka, bw'eba ekoleezeddwa, bw'oba tolina kirala ky'omanyi, gwe yogera bwogezi ngeri ki gye yakoleezebwa. Ate to-togezako kutwala kifo kya mulala, oba ekintu ekifaanana bwe kityo. Bw'oba okimanyi, gwe yogera bwogezi g'omanyi nti ge Mazima nti, "Bwe kiti bwe kyajja gye ndi, era nze bwe nti bwe nnawulira ku kyo." Ago...Bw'oba tomanyi kusingawo, ggwe ekyo ky'oba oyogera! Leka tugende! Obubaka bwa mangu nnyo ddala, ekiseera kituuse.

40 Kaakati singa Isaaya agamba nti, "Kale, nja kulinda nsooke ndabe, ekizimba ekyo bwe kimuyisa, laba. Olaba bwe-olaba bwe...?"

Olaba, Katonda Yamugamba nti, "Genda mangu kaakati, omugambe!" Olaba?

Yagamba Yona okugenda. Ha, owange!

Kale bwe yatuuka eyo eyo e buziba mu liyanja, e-ekyombo ne kiba nga omuyaga ne gukiremesa okutambula ne basuula ennanga ne beetooloola bwetooloozi, ne beewuunya ensi kiki ekyali kigituuseeko. Kyabalema okutegeera, ne kirabika nga ekyombo kyali kiyengirwamu nga ekiyingirwamu amazzi. Awo-awo buli muntu n'atandika okuyita katonda we, era ekisooka omanyi...Yona yali yeewummulidde, kale ne bwe yandyebase, ateeekwa okuba nga yadda eyo ku kisenge ky'ekyombo, n'alannama, ne yeebaka. N'agamba nti, "Mugolokoke, bagayaavu mmwe, mukoowoole Katonda wammwe!" Ye Yona yamanya obuzibu obwali bugudddewo.

Bwe kityo ne leero buli muntu amanyi obuzibu obuliwo! Olaba?

41 N'agamba nti, "Obuzibu bwonna buvudde ku nze. Munkwate munsibe emikono, munsuule mu nnyanja, awo obuzibu buno bujja kuggwaawo." Baali bantu bakkakkamu ne batayagala kukikola ekyo, naye ne bakizuula nti yali nnabbi ne bategeera kiki kye yali ayogerako. N'agamba nti, "Na-nnabadde ndowooza nti nja kusooka mpummule, naye-naye Mukama tayagala mpummule. Nnina okugenda eyo, waliwo omulimu gwe nnina okukola. Nnalowoozezza nti nnaawummulakko nga ssinnagenda, naye nina okugenda. Obububaka bwa mangu, nnina okugenda eyo."

Ndowooza, ekyennyanja ekyo ekitegeke bwe kyamira Yona ne kikyukirawo mangu ago ne kimansa amazzi mu ggwanga wonna, ne kidduka mangu okugenda e Nineeve nga kyanguwa nga bwe kisobola. Obubaka obwo Katonda Yali abutwalira mu kyennyanja ekyo ekyali kitegekedwa. Ne kidduka mbiro, kubanga mu kyo mwe mwali omubaka kale nga kirina okutuuka eyo. Yalinnya kyombo kikyamu, wabula Katonda Yali amutegekedde ekyombo.

N'olwekyo, mukimanye nti Katonda asobola okukola ebintu ebinene singa tumuwuliriza. Olaba? Ajja-Ajja kukola amakubo awatali kkubo. Ye Yennyini lye Kkubo. Olaba? Era Obubaka bwe buba nga bwa mangu bukulu nnyo ddala, nga bwe buli kaakati, Katonda ateeekawo ekkubo.

42 Tulaba nate Amosi bwe ...Nga munaffa ono Amosi bwe nnamubuulirako. Oluusi bw'oba ebyafaayo ebyo oyagala okubisoma, bikulu, soma ebikwata ku Amosi, essuula esooka mu Amosi. Oyo naye kifaananyi kirala eky'o-eky'okulabula nga omusango tegunnajja. Kaakati ekibuga kye yali agenda okulabula, erudda eno, kyali kibinja kya Bayudaaya abaali bavudde ku mulamwa nga kifuuse kibuga ekinene ekisikiriza abalambuzi. Era-era muli nkuba akafaananyi, nga bwe mpa eky'okulabirako enkyo ya leero, nga mmwogerako, nti, ekiwalaata kye bwe kyavaayo eyo waggulu ku lusozi n'obuuso bwe obukadde nga bwennyiseemu ng'alengera wansi alaba okwonoona kw'eggwanga eddene lino n'abantu, ekirevu kye ekyeru nga bw'akikwatako bw'ati. Owange, so! Naye tewali yamanya wa gye yava.

Abo bannabbi tewali abamanya, bagolokoka bugolokosi eyo era ne bagenda mu ngeri y'emu.

43 Wabula yagenda mu kibuga ne "BW'ATYO BW'AYOGERA MUKAMA! Mwenenye oba ssi ekyo mugenda kuzikirira! Kubanga Katonda Agenda kuzikiriza eggwanga lino. Ekifo kino Agenda-Agenda kukisangula ku nsi. Mukoze endagaano n'omulabe wammwe. Kale mmwe mulowooza nti muli-muli mu ddembe, n'abalabe bammwe, naye ekiseera kyonna Abasuuli baali mu-mu kwesomba engulu eyo. Ababiri temusobola kutambilira wamu okuggyako nga mukkiriziganyizza. Bwe kiri." Kye yava agamba nti...

Era Katonda Ayagala tweyawule. Ayagala "ensi tugiveeko," tuleme kugezaako kutambilira wamu na nsi ate mu kiseera kye kimu ne Katonda, tuleme kugoberera nsi ate mu kseera kye kimu ne Katonda. Olina kutambilira nga ogobererako Omu oba omulala, olina kukkanizaako omu oba oli omulala.

44 Kaakati ne tusanga nti, Amosi ono, ddala ddala yalangirira omusango ku bantu bano okuggyako nga beenenenyezza. (Era-era, owange, nga-nga kituukaganira ddala n'ennaku zaffe.) Ndowooza ekibuga kino ekinene emmanga eyo, engeri kyonna gye kyali kijjudde, era-era balina eby'enfuna bya maanyi, enkulaakulana. Kale baallowoleza ddala nti baali batambula nga Mukama bw'Ayagala. Olw'okuba baali bakulaakulana. Naye bbkizula nti Katondaa ssi ye mutandisi w'enkulaakulna. Nedda, KAtonda...Oluusi okukulaakuana bwe kujja mu kkanisa, ekkanisa Katonda emuvaako.

45 Omanyi, olumu Katonda Yayogera ku Israeli nti, "Nakusanga mu nsiko nga obunye omusaayi ne nkuggyayo, ne nkunaaza ne nkuyingiza," okubeera Omwana Owuwe yennyini." Bwe wagejja, omukazi omuvubuka omulungi, n'okola ekikolwa eky'obwenzi. N'agamba nti, "Ne weewaayo eri buli muntu eyali ayitawo, olwo n'onvaako." Ea kibeeredde ddala bwe kityo. Ha, bannaange!

Kaakati tusanga nti nnabbi ono Amosi, yakyusa eggwanga eryo. Yali munnakyalo. Naye tulaba nti bwe yakyusa n'ababuulira bwe byali bigenda okuba, n'abagamba nti wbe bateetereeza mu maaso ga Katonda nti omulabe gwe baali beegasse naye oyo yennyini ye yali agenda okubazikiriza.

46 Kaakati tusanga nti Amerika yaffe ey'amalala tegenda kusimattuka busungu bwa Katonda. Nga olumu bwe nnagambye olunaku lumu okuva lwe nnajja wano, nkakasa kyali wano, buli kimu ekigenda okubeerawo ppaka ku nkomerero. Omanyi, ssi-siraba musingi kuyinza kuzimbibwa. Tosobola kuzimba ku bya bufuzi, biwedde. Tosobola kuzimba ku bulamu bwa bulijo, kubanga bwonoonekedde ddala mu mpisa. Ku obwo te-teku-tekuli w'osobola kuzimba. Era tewali wonna w'osobola kuteeka bwesigwa.

"Ate ku kkanisa?"

Kale, ekkanisa tolina ky'osobola kugikolerako, yafuuka ya mikolo bukolo era yaggwaawo, temusigadde kantu. Obusika bwaffe baabutunda olw'akatole k'emmere, balinze bulinzi musango. Omwoyo Omutukuvu ayise mu ggwanga lino lyonna, ng'Alaga obubonero Bwe n'ebiyamagero, naye bagenda bugenzi mu maaso na kubigaana. Ye Yennyini Yeeyoleka n'Abikakasa, ng'Ayita mu kubinyweeza okw'ekitalo, nti Ye kye Kigambo kya Katonda ekirabisiddwa mu mirembe gino. Naye era Ekyo bakikuba mabega. Olaba? Kaakati

tewali kisigaddeyo. Katonda toyinza kumukola ekyo lubeerera. Olaba?

47 Kale nno, okusooka, tusanga nti, atuma bannabbi Be ne baleeta okulabula. Engeri ye, tagikyusaamu, engeri gy'Akolamu ebintu. Olaba?

Takubirawo nga Yaakalabula. Njgala mwekkaanye okunokola kuno. Katonda alabula naye bulijjo Takubirawo mu kiseera kyekimu. Ekyo mukyekkaanyizza? Awonno bw'Akubirawo ng'Asindise okulabula, olwo nnabbi ne bamusekerera, "Obadde tokirina Ekyo. Wayogera bya bulimba. Te-tewali mutuufu."

Kyinzika okuba nga kintu kye kimu kye baagamba Isaaya. Ggwe olowooza omusajja oyo yalowooza ki bwe yayambuka eyo n'alagula nti "kabaka agenda kufa," ate n'akomawo nagamba nti, "Nedda ogenda kuba mulamu"?

48 Ate Yona ng'ayita mu nguudo, agenda agamba nti, "Oh, kino ekibuga kigenda kuzikirizibwa, mu nnaku ana," ate Katonda n'Atakikola?

Labayo, olina okwetegereza, Katonda bulijjo Takubirawo nga Yaakalabula. Wabula A...Waliwo ekintu kimu, awo nnabbi ne bamusekerera. Naye nnabbi oyo bw'aba nga yakakasibwa Ekigambo kya Mukama, labyo, obubonero bwa Katonda. Nga bwamukakasa, nga Katonda bwe Yagamba nti nnabbi alikakasibwa (era abantu bano baakakasibwa), labayo, ekigambo kya nnabbi tekiba kya nnabbi, wabula kiba kya Katonda, era kigenda kutuukirira. Kirina okutuukirira bwe kiba nga Kigambo kya Katonda. Kintu kimu kyokka ekiyinza okukiremesa okutuukirira, ekyo kwe kwenenya amangu.

49 Wekkaanye, Amosi, ya-yabeerawo nga mulamu okulaba obunnabbi bwe, naye Amosi bwe yayogera ku kibuga ekyo, engeri gye kyali kigenda okutuukirira, engeri Katonda gye Yali aagenda okuleka Abasuuli bayingire babawangule, n'ebirala bwe bityo, n'obwonoonwefu bwabwe bwennyini bubamalewo. Lwaki, nzikiriza bwe kiba bwe kityo mu kiseera kino kyennyini... ntunudde wano wennyini mu Byawandiikibwa, kino bwe mba ssikikyamizza, emyaka gyali awo nga ataano nga Amosi amaze okulagula. Era, kaakati, kiki kye mulowooza? Mulembe mulamba ogwayitawo obunnabbi bwa Amosi ne bulyoka butuukirira. Naye bw'osoma wano kikugamba nti, kigambo ku kigambo kyatuukirira ddala nga bwe yakyogera. Olaba?

Yokaana yalaba Ekitabo ky'Okubikkulirwa. Teyabeerawo kubiraba nga butuukirira ddala kwennyini. Olaba?

Danyeri yalagula ku lunaku, ku lunaku Iwe...n'okumalirako ddala. Teyabeerawo kubiraba nga butuukirira. Yagamba nti, "Genda makubo go, Danyeri. Ekitabo ki-kibikkeko, ekitabo kibikkeko. Kale oliba owummudde naye ku lunaku olwo oluyimirira." Olaba?

Kaakati olaba. E...bulijjo to...Katonda...akuba amangu ddala nga yaakalagula. Obunnabbi bwa Amosi, nga bwe nnagambye, waamala kuyitawo emyaka ataano, ne bulyoka butuukirira. Kale bwatuukirira!

50 Awonno nnabbi abeera-abeera...owa Baibuli...nnabbi yennyini, omutuufu aba muntu wa njawulo. Ssi "wa njawulo" mu ngeri nti muntu mwawufu ku bantu abalala, wabula alina omulimu gwa njawulo. Olaba? Kale nga bwe kiri nti alina okutumbiwa kwa njawulo, alina okuba ow'enjawulo (aba ayawukanamu kko okuva ku balala) okusoobola okukola ekyo.

Kiri nga nti Katonda bannabbi be abageraageranya na "mpungu."

Kaakati, empungu kinyonyi kya njawulo. Kinyonyi kyennyini, wabula kinyonyi kya njawulo. Esobola okubuuka n'etumbiira wagglu okusinga ebinyonyi ebirala. Esobola okulengera ewala okusinga ebinyonyi ebirala. Kale, kaakati okusobola okutumbiira, erina okutondebwaa esobole okutumbiira okusingako. Ye ate kyandibadde kigigasa ki okutumbiira eyo okuggyako nga erabye kiki ky'ebadde ekola bw'eba etumbidde wagglu eyo? Olaba? N'olwekyo kirina okuba ekinyonyi ekyatondebwaa mu ngeri ey'enjawulo. Mu bika by'ebinyonyi ebirya ennyama yokka, yo "kirimegga" Era yo erya...bingi ku binyonyi ebyo birya nnyama nfu yokka. Ebika by'empungu biwera nga makumi ana.

51 Naye, olaba, mu kkanisa mulimu omusumba, era omusumba oyo muntu wa njawulo. Yatondebwaa okutuuka w'asobolera okugumira obutakkaanya bw'abantu. Yee-yee-yeetikka emigugu ye nnume mu zinnaazo. Ye muntu asobola okutuula awo wansi nga waliwo...omuntu alina ky'avunaana omulala, n'atuula n'ennyumba ezo zombi (n'ateekubiira ku ludda lumu) n'abiyitaayitamu n'abitereeza. Olaba? Oyo-oyo musumba, emanyi engeri y'okukwatamu ebintu.

Omubuulizi w'enjiri muntu wa njawulo. Ye muntu aba ayaka ng'ekitawuliro. Adduka n'agenda mu kibuga n'abuulira obubaka bwe, n'avaayo n'agenda awalala. Laba, muntu wanjawulo.

Omuyigiriza muntu wa njawulo. Atuula wansi w'amafuta g'Omwoyo n'aba ng'asobola okuddira Ebigambo ebyo n'abiteeka wamu ng'ayambibwako Omwoyo Omutukuvu, nga ye oyo, ku musumba oba omubuliizi w'enjiri, tekuli, ayinza kugeraageranyizibwa naye.

Ate awo, ne tulaba, omutume muntu wa njawulo. Oyo ye-ye "atereeza." Ye muntu aba atumiddwa

okuva e wa Katonda okutereeza ebintu buli kimu mu kifo kyakyo.

52 Nnabbi muntu wa njawulo. Nnabbi ye muntu Ekigambo kya Katonda gwe kituukirako, kubanga nnabbi ye yakolebwa bw'atyo (obulamu bwe) bw'aba yeebase ne bw'aba awulira nga teyeebase byombi bifaanagana nnyo ne kiba nti tekimwetaagisa na kwebaka okuloota, aba akiraba nga atunula era nga n'okuwlira aba awulira teyeebase. Olaba? Kaakati, ekyo kye kintu nga Katonda y'alina okukikola. Laba, aba alaba ekigenda mu maaso.

Nnabbi alengera wala, labayo, ebintu ebiba bijja. Alaba ekikompe k'yobusungu bwa Katonda, ekijjudde, nga tekinnaba na kujjula. Olaba? Asobola okugamba nti, "BW'ATYO BW'AYOGERA MUKAMA! Katonda agenda kuzikiriza ekibuga kino okuggyako nga mwenenyezza." Lwaki? Ye aba mpungu. Atumbiira mu bwengula. Olaba? Atunula n'alaba ekikompe ky'obusunga nga kifukiddwa. Ekyo nnabbi ky'aba atunuulidde. Aba atunuulidde eri emitala! Abeera agamba nti, "Kijja!" Ayinza okutumbiira okutuusa bw'alaba ekisiikirize ekyo. Yagamba nti, "Ensi yonna egenda kubaamu eki-ekizikiza era nga kizikiza kikwafu nnyo." Ali waggulu ekimala, wano wo omusana gwaka, naye alaba ekisiikiize ekyo nga kijja, era ye a-a-ayogera ky'aba atunuulidde. Tekinnaba kutuuka wano, naye nga ddala kijja kutuuka wano! Kye ekyo. Kigenda kubeerawo wano, ekizikiza ekikwafu ennyo, ku bantu. Amanyi nti kijja, wakyabulayo emyaka, so nga ye aba akiraba.

Amosi , nnabbi wa Katonda oyo omufukeko amafuta, yalaba eki-ekizikiza n'omusango. Yalaba Abasuuli nga bajja n'ebigaali byabwe nga basaanyaawo awo wonna, eyo nga batta abantu. Yakiraba nga kijja ku bo n'omusango gwa Katonda, wano, ng'ekyabulayo emyaka ataano kiryoche kituukirire. Naye labayo, nga bwe yali nnabbi yasitulibwa mu mwoyo n'akirengerera wala nnyo. Olaba? Yalaba ekikompe, ekijjuvu, nga tekinnaba na kujjula.

53 Nga Ibulayimu. Katonda Yagamba Ibulayimu nti, "Ezzadde lyo ligenda kujja mu ggwanga lino libeere wano okumala emyaka ebikumi bina, oluvannyuma Mbafulume n'omukono ogw'amaanyi, kubanga obujeemu bw'Abamooli tebunnaba kujjula." Olaba? Katonda Yamanya nti ekikompe ekyo kyali kigenda kujjula. Yali Ayogera ne nnabbi we, Yamugamba nti kaakati, "Olaba ekikompe ekyo eky'Abamooli wansi eyo," labayo" Naye obujeemu bwabwe tebunnajjula, Ibulayimu. Tokyogerako kaakati, ssirika, naye kigenda kutuukirira. Kale ekikompe kyabwe bwe kirijjula, emyaka ego ebina ne giwera, Ndibafulume mu maaso go nga enzige, era ndinyweeza ezzadde lyo wano mu nsi eno." Amiina! Oyo ye nnabbi owa Mukama.

54 Kaakati, bw'ayogera okwolesebwa kwe, oba busungu oba kuwonyezebwa, kuyinza okulwawo kko, naye nga kuba kugenda kutuukirira bw'aba ng'ayogedde mu Linnya Iya Mukama. Olaba? Ky'aba ayogedde guyinza okuba omukisa gy'oli. Asobola okukugamba ekintu, naye nga ggwe tokiraba n'akatono. Ne weebuuza nti, "Kisoboka kitya?" Lwaki, kiri...ndi-ndi-ndi...Yanjamba nti, "BW'ATYO BW'AYOGERA MUKAMA", nti Kino kigenda kubeerawo, na Kiri kibadde kigenda kubeerawo." Naye ne kitabeerawo. Omusajja mukyamu!" Kaakati olisalirwa omusango olw'obutakikkirza, naye mu buli ngeri kigenda kubeerawo! Kigenda kutuukirira! Olaba? Kirina okutuukirira.

"Ne bwe kirwawo." Baibuli bw'etyo bwe yagamba nti, "wabula nga kigenda kwogera mu ntukoo zaakyo." Kigenda kutuukirira.

55 Nnabbi ye atunula butunuzi n'abaako ky'alaba. Ayogera ku ky'aba atunuulidde. Wano ssi w'aba alowooleza na kiki ggwe k'yofaanana, aba atunuulira kiki kye kigenda okuba. Era bw'ayogera ekyo, bwe kiba nga kiri mu Kigambo kya Mukama, kiba kiwedde okwogerwa kale mu nsi yonna temuli kintu kiyinza kukiremesa (labayo, bwe kityo bwe kiri), Katonda Yekka.

Weetegereze, kaakati tukizuula nti bw'a...Ayogera okwolesebwa kwe, nnabbi ekyo ky'akola. Kaakati, oluusi ayogera ebintu ebirungi, ayogera ku kuwonyezebwa kwo. Kale, oyinza okulowooza nti, "Tekiyinza kubaawo, siwulirawo njawulo yonna." Awo kiki ekyo kye kikola? Ekyo kikuleetako buleesi misango gya Katonda Kye ekyo. Olaba? Yesu Yasuubiza okukulokola Ekyo bw'okikkirza; bw'otakikkirza

Ekyo, teki-tekija kukutuukako. Olina okukikkiriza, olina okukikkiriza Ekyo. Olaba? Era olina okumanya wa gye Kiva, ekyo kikuwa okukkiriza mu Katonda; oba mu, nnabbi wo. Olaba? Olina okukikkiriza Ekyo.

56 Kaakati wano tusanga nti, nga bannabbi bano abaayogera, baa-baayogera era bye baayogera byatuukirira. Era obusungu bwa Katonda bwe bufukibwa ku bantu, waliwo kimu kyokka...Nnabbi oyo bw'aba yayogera ekintu ekirala ekigenda okubeerawo, waliwo ekintu kimu kyokka ekijja okuyimiriza omukono gwa Katonda, ekyo kwe kwenenya. Kwe kwenenya eri Katonda, ekyo kye kiyimiriza obusungu Bwe. Kaakati tobulinda, kikolerewo! Katonda bw'Ayogera ekintu, kikolerewo.

57 Keezekiya, amangu ddala olw'amanya...Yali musajja mulungi, wabula Katonda Yagamba nti, "Ekiseera kyo kituuse, Keezekiya, kale Nte-Nteekwa okukutwala. Nja-Njagala kukikola, njenda kukutwala. Ennyumba yo yonna giteeketeke."

N'agamba nti, "Mukama, ekyo kijja kuntwalira emyaka kkumi n'etaano okukikola. "Kaakati, Ggwe...nki-

nki-nkimnayi nti nno njenda wabula kijja kuntwalira emyaka kkumi n'etaano okutereeza ennyumba yange. Ssisobola kukikola mu kiseera kino kaakati. Ssi-ssirina budde kukikola. Ssi-ssi-ssisobola busobozi. Mukama, nzikiriza mbeerewo emyaka emirala kkumi n'etaano nsobole okukola ekintu kino. Ssisobola kutereeza nnyumba yange...."

Laba, Katonda kye Yalagira nti, "Teekateeka ennyumba yo!"

Keezekiya n'agamba nti, "Ssiyinza kukikola mu mwaka guno, kigenda kuntwalira obudde. Kino njenda kukizzaayo, na kiri nkikole bwe nti nkizzeeyo ewa munnange ono wano, kijja kuntwalira emyaka kkumi n'etaano okukikola. Ogira ondekawo nkikole. Mpaayo-mpaayo akadde nkikole." Olaba?

Awo Katonda n'Agamba nti, "Nja-Nja-Nja-Nja kukugondenzaamu kko." Naye era mu buli ngeri yalina okufa, olaba.

58 Ate era, n'atwala obudde bwe, mu kiseera kino yagwa. Olaba? Era kyandibadde kimusingirako singa yagenda nga tagiteeseteese. Kye ekyo. Kubanga Yamwongerayo emyaka kkumi n'etaano okuteekateeka ennyumba ye. Kubanga, amangu ddala, kiki kye yakola? Yagamba nti, "Mukama, njenda mpola. Nneetaaga emyaka kkumi n'etaano kino okukikola. Ondagidde okutereeza ennyumba yange. Ssisobla kukikolera mu myaka kkumi n'etaano kubanga wano nneewolawo ssente, ate wano nninawo kino, na wali nninawo kiri ate wali nawo nninawo kiri."

Kaakati yali muntu atya Katonda, wabula nga kyo EKigambo kya Katonda mu buli ngeri kirina okutuukirira. Mu buli ngeri kyali kigenda kutuukirira, wabula n'Asooka Akiyimirizaako akabanga, laba, n'Akimuggyako. Ate mu kiseera ekyo n'ayonoona. N'agamba nti, Sijja kukimuteekako, naye Ndikiteeka ku baana be abaliddawo ye nga avuddewo." Ebyafaayo ebyo mubimanyi.

59 Kati tusanga nti okwenenya amangu oluusi kukwatirirako kko ku busungu okumala akabanga.

Kaakati, tulaba nti Nineeve...Katonda Yagamba nti, "Genda emmanga eyo oyogerere wagglu eri ekibuga ekyo kaakati, obagambe nti, "Bwe...mu nnaku amakumi ana ekintu kigenda kugwa." Era, bannange, beenenyako n'akatono! Amangu ddala olwalaba nnabbi oyo ng'ali mu kkubo ajja, bw'agamba nti, "BW'ATYO BW'AYOGERA MUKAMA, nti "Ekifo kigenda kugwa mu nnaku ana! "Ekifo kigenda kugwa!" "Eki..."

Kabaka naye n'alagira wabeewo oku-oku-okusilba mu ggwanga lyonna, okukungubaga. "Mwesibe ebibuketu, mwesiige evvu! Ssi ku mitwe butwe ne ku mibiri gyammwe, naye ne ku nte zammwe, ebisolo byonna eby'oku ttale, bwe muteekeko evvu n'ebibuketu." Nga kwenenya kwakitalo!

60 Kaakati, bwe twekkaanya wano, tulaba nti, nnabbi bw'ateetegereza mangu, laba, n'akuuma obuntu bulamu ne yeegendera ewa Katonda, awo wennyini ojja kubaako ky'ozuulawo, bw'otekkaanya...

Kaakati labayo Isaaya, yayogera bwogezi obunnabbi bwe, ne yeeddirayo mu kasiisira ke ak'omu ddungu. Era olwamala, Katonda teyaddamu kwogera eri kabaka eyali asaba. Alina engeri gy'Akolamu ebantu. Mu ggwanga mwalimu nnabbi. Ekigambo kya Mukama kijja wa nnabbi We. Yagenda eyo n'agamba nti, "Isaaya, ddayo omugambe nti mpulide okusaba kwe. Nkitegedde nti ki...nti alowooza nti kigenda kumutwalira emyaka kkumi n'etaano kino okukikola. Amaziga ge ngalabye kubanga ayagala nnyo okukola omulimu guno. Yagamba nti, kigenda kumutwalira emyaka kkumi n'etaano, kino okukikola. Genda omugambe nti kale, Nja kumukkiriza agifune." Olaba?

Lwaki? Yatuma-Yatuma Isaaya okugenda okumugamba nti, "BW'ATYO BW'AYOGERA MUKAMA!" Naye bwe wabaawo enkyukakyuka mu ekyo, oba okulwawo...Mu buli ngeri kigenda kubaawo; era-era yamala n'afa. Wabula kiri nti mu ekyo singa mubaamu ekintu kyonna, awo kiba kimukakatako okukomawo eri omuntu oyo gw'aba Yatuma ne BW'ATYO BW'AYOGERA MUKAMA. Yagamba Isaaya nti "Ddayo omugambe."

61 Kaakati, Yona ye ebantu yabitwala bulala, yayambuka eyo ku lusozi n'agamba nti, "Kale, singa ssaazaalibwa." Era, oh, engeri gye yeeyongerayo! Kale Katonda yalinawo ekire ekyajja okumukolerawo ekisiikirize okutuusa ebbugumu bwe lyamukendeerako awo. Wabula n'agamba nti; "Kaakati wano, nnagenzeeyo eyo kaakati bagenda kugamba nti ndi nnabbi wa bulimba."

Katonda n'ayogera naye n'amugamba nti, "Laba ekibuga ekyo emmanga eyo! Tunulayo, Yona, ekibuga kyonna bali mu kwenenya bambadde ebibuketu era beesiize evvu."

Awo n'amubuulira ku kire n'akawuka akaakisala. Luliba lumu, Mukama nga Ayagadde, njagala nzie mu Kkuñjaaniro njigirize ku bikwata ku Yona. Oh, waliwo ebikulu bingi nnyo, embuyaga eyo ey'omu buvanjuba, nga efuuwa buli kimu. Oh, banange! Omwo mulimu ebantu bingi nnyo, kwe kugamba... kisanyusa. Ennyingo ezo omwo, byonna bikwatanaganira ddala, bijaamu bulungi.

62 Era wekkaanye, waliwo ebantu ebimu...Singa obeera mwesimbu n'obuulira Katonda...Kaakati olina okwetegereza.

Kaakati njagala okubalagayo Yona omulala ku kituuti akawungeezi kano.

Lwali lumu ne wabaawo abantu abajja wano. Omukyala ayinza (abamu ku bantu baabwe) okuba nga waali wano akawungeezi kano, kale sijja kwogera linnya lye muyinza okuba nga mumumanyi. Naye bajja wano, bantu balungi bava eyo mu Kentucky, era ba-bajjanga wano okumala emyaka. Naye abantu abo, nga bwe baali abantu abalungi mikwano gyange ddala. Owange, baali-baali mikwano gyange aba nnamaddala, wabula baa...Omuntu omu ku bantu bwe batyo nti okudda obujja bwe kwabanga kugenda mu maaso nga bajja ku kkanisa; okudda obujja bwe kwaggwanga embeera n'ekaluba awo nga babivaako. Era abaana bonna baali wano ku lukalala Iw'abaana b'abazadde abasabira mu kkanisa eno baalina...twabanga n'ebibiina n'ebirala.

63 Olumu nnaja eka, wayiseewo kaakati emyaka nga ena, oba etaano, awo bwe gityo. Omuwala ono omuvubuka, (eyali aweza emyaka nga munaana nga ali ku lukalala Iw'abaana b'abazadde abasabira mu kkanisa eno) yali afumbiddwa era ng'alina abaana babiri. Yali ali eyo mu ddwaaliro, nga anaatera okufa. Yali lubuto lwa myezi nga ena, etaano, naye nga omwana yali afudde, ate nga tebasobola kumulongoosa kubanga yalina obulwadde mu musaayi. Kale nga tebayinza kumulongoosa, kale baalina okuleka maama naye afe. Okulongoosa nga tekiyinzika, kale, laba, nga omwana ajja kumutta bw'atyo kale kye baakola... yali afiira ddala, kye ekkyo, nga talinaawo kakisa kuwona.

Ne njendayo okumulaba, yali antumizza. Ne njendayo mu ddwaaliro, yali assiza mu buseke. Ne mbabikkulako, nenjogerako naye katono ne njamba nti, "Onzijukira?"

N'addamu nti, "Ddala, Bro. Bill, nkujukira."

Kko nze nti, "Kiri kitya...Omanyi obulwadde bwo we butuuse?"

Kko ye nti, "Mmanyi, "Kye nnavudde nkutumya."

Ne njamba nti, "Kale, awo, kiri kitya wakati wo ne Mukama?"

N'agamba nti, "Bro. Bill, ndi-ndi...ssiri-ssiri mwetegefu kugenda."

Awo ne tukka wansi ne tusaba, ne nnyina ne bba, bangi ku bo nga bali mu kisenge, nnyina ne kitaawe ne batandika okukaaba. Awo ne-ne-ne mmubuuza, n'atereeza obulamu bwe ne Katonda (yasasula ebirayiro bye n'akomawo n'asuubiza Katonda; bw'aba yasonyibwa, engeri gye yali Amwagalamu' ne yeenenya ebyonoono bye, engeri gye yali atambuzzaamu obulamu bwe) n'agenda mu maaso n'okwenenya nga bw'akaaba. Waayitawo akaseera nze ne nfuluma ekizimbe.

64 Kale e-enkeera ne bankubira essimu, okukomawo eyo. Era, njenda okukizuula nga ku, makya ago baali bakomyewo okumukebera okulaba embeera ey'obulwadde bw'omu-bw'omu musaayi wa we yali etuuse, ne basanga nga talinaamu kantu konna. Bwonna bwali buweddemu, obutwa obwo obw'omu musaayi nga temusigadde yadde akatono. Abasawo ne bakyamuka nnyo ne batuuka n'okugamba nti, "Abange! Kiki, kino, tusaanye...Kyewuunyisa si kye ekintu ekya bulijjo," Ne bagamba nti, "Tujja kumuteekateeka," ne bagamba nti, "Oba nga kinaaba kikyali bwe kityo kumakya..." Ne bagamba nti, "Tujja kugenda mu maaso okumuwa eddagala lya penicillin," ova kyonna kye baali bamuwa, okuba nga bakendeeza obuzibu bwe yali afunye. Mbu nno; "Tugenda ku-kumulongoosa tuggyemu omwana omufu nga tannaleeta buzibu bulala." Mbu" "Bw'aba maama ng'ali bulungi, olwo..."

65 Kale, ku lunaku olwo baddamu ne bamukebera emirundi ebiri ova esatu. Era ekiro ekkyo, eyo nga obudde bugenze, era ne baddamu okumukebera, nga tewali kikyamu, nga atereeredde ddala. Ne bamutegeka. Ne bamuggyako obupiira mwe yali assiza. Buli kimu kyonna nga kitereeredde ddala. Baali bagenda kumulongoosa enkeera ku makya, bamuggyemu omwana.

Kale, nze ne nfuluma. Kale olwokuba ekkyo kyakolebwa...Kaakati ssaakimanya nako, Mukama talina kye Yakinjambako. Osobola okubuuza abantu, bw'oba oyagala. Kale ne ba...n'a...Teyanjambako nti kigenda kuba bwe kityo. ekiri.... Naye, oh, bannange, okulaba ekintu ekifaanana bwe-bwe kityo! Bbaawe, olw'okubeera omwonoonyi, yajja awo n'agamba nti, "Owoluganda Branham, nja-njagala kuwaayo obulamu bwange eri Mukama Yesu."

Ne mmugamba nti, "Kale, fukamira bufukamizi wano wansi okwate omukono gwa mukazi wo, awo obulamu buno obutereevu mubutambulenga mwembi."

66 Nnyina yakomawo, n'agamba nti, "Owoluganda Branham, omanyi, nzuuno wano n'abaana bange," n'agamba nti, "fenna tubadde nga tutera, okujja ku Kkunjaaniro, naye nga twosaayosa, n'ebirala. Twatuula ne tukuwuliriza nga obuulira, ffenna ne tugenda ku wolutaali ne tuvaayo." N'agamba nti, "Nange, naddirira, Owoluganda Branham." N'agamba nti, "Njagala kukomwo eri Mukama Yesu, olw'obulungi Bwe eri omwana wange." Kale, olaba, nti-nti ekkyo kirungi nnyo, naye ewa Mukama Yesu tojjaayo Iw'ekyo.

Eyo mu ttumbi, ku ssaawa nga mukaaga, musanvu, nnyina otulo ne tumukwata n'asumagira otulo ne tumutwala. N'agamba, n'amuyita nti, "Maama."

N'agamba nti, "Wangi, mukwano, oyagala ki?"

N'agamba nti, "Omanyi, ndi musanyufu nnyo!"

N'agamba nti, "Ggwe okusanyuka kinsanyusizza nnyo."

Nti nno, "Ndi mu ddembe ne Katonda." N'ayongera nti, "Oh, nga kirungi!"

Mu ddakiika ntono ate era n'addamu n'ayita, n'agamba nti, "Maama."

Kko oli nti, "wangi?"

Nti, "ŋjenda ka."

N'agamba nti nno, "Mmanyi nti ogenda ogenda." N'agamba nti, "Weewaawo, mukwano," n'agamba nti, "dokita omwana ajja kumutwala nkya. Awo nga wayiseewo olunaku lumu oba bbiri nga olukindo lumaze okuwona wano oveewo, oddeyo eka oddemu osanyuke, ggwe ne balo n'abaana, era obeere Mukristaa yo obulamu bwo obutambulize mu Katonda."

N'agamba nti, "Maama, ntegeeza mu maka gange ag'omu Ggulu."

N'addamu nti, "Ddala mukwano, ku nkomerero yo lugendo." N'agamba nti, "Eno y'enkomerero y'olugendo."

"Oh," maama n'agamba kati, "nsonga ki eriwo?"

N'agamba nti, "Weewaawo, maama, mu ddakiika ntono okuva kaakati nja kuba ŋjenze."

Kale nno, n'alowooza nti oba yali atidde buti oba alogootana. N'ayita omusawo, omusawo n'akebera entunnunsi ze. Nga buli kimu kiri bulungi! Waayitawo eddakiika ttaano n'agenda, n'afa.

Awo bwe nakomawo eka, nga wayiseewo wiiki emu oba bbiri nge ekkyo kiwedde...Ndowooza Owoluganda Graham ye yabuulira mu kuziika omuwala oyo. Bwe nnakomawo eka Meda n'ambuulira nti omuwala oyo yali afudde ekkyo ekkyo, bannange, nga ssiyinza...

Na-nagenda ne ndaba nnyina. "Weewaawo."

67 Era ssi-ssi-ssimanyi kyakinkozesa, naye nagamba nti, "Mukama Katonda. Nku-nkubanja okunnyinyonnyola ntegeere," (olaba?) "nga mmaze okugenda eyo ne-ne mbuulira bba oyo, era n'aggya gy'Oli nga omaze okumukolera bino, n'ebyo byonna bw'otyo ate n'otwala obulamu bw'omuwala oyo bw'otyo." "Nkubanja okummanyisa ekkyo nkitegeere."

Bw'ogamba Katonda ekintu ekifaanana bwe kityo, ajja kukuleka awo nga otudde wekka. Ssi-ssirinna kye mmubanja. Ye y'Ammanja. Kale, omanyi, Yandeka bulesi ne mbega emimwa ennaku bbiri. Era, waayitawo emyezi nga esatu oba ena, lumu nga ndi eyo ku mabbali g'omugga Mukama n'Ayogera nange mu kwolesebwa, n'Agamba nti, "Kaakati genda ewa maama we, omugambe nti, "Ekiseera kye tekyatuuka nga ogwo omwaka tegunnatuuka, bwe yali agwa mu mugga afiiremu, ku kabaga? Yali agenda kufa ku olwo, naye Mbadde nina kumutwala nga yeeteseteese." Kale eyo ye nsonga Iwaki bino byonna bidaddewo era ye nsonga Iwaki wagendayo eyo.

Awo nnagenda bugenzi wansi ne nkaaba. Ne ŋjamba nti, "Yesu Mukama nsonyiwa, omuddu Wo bambi omusiru. Nnali ssirina kwogera ekkyo. Mukama."

68 Nnaddayo ew'omukazi yasulanga ludda wano ku Market Street, ne ŋjenda gy'ali, ne ŋjamba nti, "Waliwo kye njagala okukubuuza."

N'agamba nti, "Kale, Owoluganda Bill."

Ne ŋjamba nti, "Kituufu nti omuwala ono yasimattuka okufiira mu mazzi?

N'addamu nti, "Kye ekkyo, Owoluganda Branham." Nti, "Bba n'a-n'abalala baamuggyayo buggyu mu mugga." Ne ŋjamba nti, "Baalina okumuteekamu obupiira mw'assiza, n'okukozesa omukka, ne bakozesa na kyuma okumunuunamu amazzi" Nti, "Yali ayambadde sikaati. Baali ku kabaga. Yali eyo n'alinnya mu musenyu, n'aseerera n'asookayo omutwe n'aziyira mu mazzi. Ne batamulaba. Baagenda okulaba ng'akka bw'ayambuka, ne bayingirawo mangu mu mazzi ne bamuggyamu." N'agamba nti, "Yawonera watono okufa." N'agamba nti, "Ya..."

Ne ŋjamba nti, "Awo we yali agendera."

Labayo, Katonda amanyi kiki ky'Akola. Kaakati, Mukama mpozzi Yandijnjambye singa ebintu ssaabitwala nga bwe nnakola nti, "Mukma, nkubanja, ekkyo okukimbuulirako." Tolina ky'omubanja!

69 Lumu akawungeezi nnali mu lukuŋjaana ne mpulira omubuulizi w'enjiri nga Asabira omulwadde,

ng'agamba nti, "Katonda, nkulagira Owonye omuntu ono! "Ani alagira Katonda? Olaba? Ssi-ssi-ssi na ssi na kya magezi, laba, kubanga Katonda, A-Akola Ye ky'Ayagala okukola.

Ebbumba liyinza okubuuza omubumbi nti, "Lwaki wammumba bw'oti?" Olaba? Tekisoboka busobosi! Naye nnabbi singa asirika n'anoonya Mukama okumwanukula, ekyokuddamu weekiri. Olaba?

Labayo, kiringa ono omuntu eyali abuuza ku-ku-ku bikwata ku zzadde ly'omusota. Ggwe tu-tunula butunuzi, to-tomala gapakuka. Awo, kaakati, buli kimu Katonda akiganya ne kituukirira kikole bulungi ku lw'abo abaagala Mukama.

70 Kaakati, singa Nineeve tebeenenya, olwo awo emisango gya Katonda gyandibaguddeko. Kaakati jjukira, nnabbi atekwa okuwuliriza. Kulabula.

Kaakati kintu kye kimu ekiri ne ku ggwanga lino. Awo ggwe ogamba nti "Sande eyayita, Owoluganda Branham wagamba nti 'Tewakyali ssuubi'? Yee! "Lwaki?" Lyaligaana lyonna. Liteekwa okukifuna. Ligenda kukifuna. Ekiseera kigenda kujja eggwanga lino liyuzibweyuzibwe obulele. Nnakiraba mu 1933. Labayo, nakiggyako amaaso.

Wagamba, oyinza okuba nga wagamba nti, "Kale, tekyabeerawo mu kiseera ekyo."

Naye kigenda kutuukirira! Ne Musoolini teyali mu buyinza, wadde ne *Maginot Line* teyaliwo, k'ebe motoka mu nnaku ezo yali tefaanana nga ggi, n'ebirala, ka babe bakazi baali tebalonda pulezidenti eyali ayinza okufaanana nga o-omulenzi ali mu ssomero, na bino ebirala byonna, wadde okubeerawo Pulezidenti Omukatuliki, n'ebirala bye nayogera. Emyaka giri nga mu asatu, oba okusingawo, ebantu bino byalagulwa, naye Yandaga bulazi wonna okutuuka ku nkomerero.

Era ekintu ekyo nga bwe kigenda kisembera, ebiseera nga bwe biyitawo, ekikompe ekyo kigenda kijjula! Okwenenya kubuuliddwa Billy Graham, Oral Roberts, oba ne ani omulala. Bannabbi, n'abalala, bamazeeko eggwanga lyonna n'obubonero n'eb'y'amagero, naye ligenda bugenzi mu maaso kutambulira mu kwonoona. Eyo ye nsonga Iwaki tebeenenya, okwenenya kwe kukireeta.

71 Wekkaanye, AKabu teyeenenya Eriya bwe yamunenya. Singa Akabu yeeneenya n'atambulira mu buwombeefu mu maaso ga Katonda, ekintu kyandibadde tekibeerawo. Naye Akabu yajja eyo n'atwala olusuku Iwa Nabosi olw'emizabbibu, n'amutemula n'okumutemula, n'ebibi bino byonna. Era Yezeberi... Nnabbi oyo yavaayo ne BW'ATYO BW'AYOGERA MUKAMA! Naye kiki kye baakola? Yatiisatiisa butiisatiisa okumutta. Kiki ekyaddirira? Obunnabbi bwe bwatuukirira, embwa zaamulya era ne zikomba omusaayi gwa Akabu. Nga Ekigambo kya Katonda bwe kyayogerera ddala! Ekikompe yakiraba, nga kijjudde.

72 Eyo ye nsonga Iwaki Mikaaya oyo, kaayogera ekintu kye kimu nti, nga awa atya omukisa Katonda kye Yali akolimide? Labayo, eki-ekigambo kye kyali kikwataganira ddala bulungi n'Ekigambo kya Katonda.

Kerode, teyeenenya Yokaana bwe yagamba nti, "Kimenya amateeka ggwe okuba n'oyo muka mugandawo!" Teyeenena. Wabula kiki kye yakola? Mukazi we yasaba mutwe gwa nnabbi. Laba obwonoonefu bwe yayingiramu. Biki ebyamutuukako. Labaayo, n'olwa leero, mu Switzerland, a-amazzi ga bbulu ag'okumugaana gakyatokota nga akabonero ak'okujjukira. Olaba, ddala, Mukama bwe Yamunenya teyeenenya. Yokaana yamugamba, ssi nsonga kiki kye yali (muwolereza, oba kyonna kye yali; oba kabaka, oba kyonna kye yali ayinza okuba), atekwa kwenenya Katonda nga Ayogedde, oba ssi ekyo obusungu bwa Katonda bumugwako!

Emirundi emeka mu bannabbi...wano nakiwandiise, naye tetujja kuba na budde kubanga nsigazzaayo eddakiika kkumi.

73 Awatali kwenenya, omusango guteekwa buteekwa okujja! Keezekiya yeenenya. Olaba? Nineeve beenenya.

Akabu tebeenenya. Nebukadduneza teyeenenya, Abaaliwo mu biro bya Nuuwa tebeenenya, omusango ne guyingirawo ne gusaanyaawo. Olaba? Kaakati, naye okusooka aba ayagala buli omu. Buli omu yenna afune okulabula.

Kaakati, nga bwe tulaba nti ekiseera kituuse, leka buli yenna awulira nga waliwo okulabula, yeenenye mangu nga obusungu bwa Katonda tebunnagwa.

Kaakati tukireete ku Branham Tabernacle. Laba, ebantu bino tubirabye era tumanyi nti ge Mazima. Tumanyi nga ge Mazima gennyini. Okutumibwa kw'Ekigambo kuli nti, "Bwe muneenena ne mubatizibwa mu Linnya lya Yesu Kristo olw'okuggyibwako ebibi byammwe, mujja kufuna okubatizibwa kw'Omwoyo Omukukuvu. Kubanga ekisuubizo kya baana bammwe n'abo abali ewala" Olaba?

74 Kaakati, omusajja, Mwami Dauch, gye buvuddeko yambuuza, ng'agamba nti, "Owoluganda Branham, njenda nkaddiwa. Njenda nnafuwa, nnina emyaka kyenda mu gumu." N'agamba nti, "Olo-olowooza ndindi mwetegefu okufa? Olowooza neeteseteese okugenda? Olowooza nnalokoka?"

Ne njamba nti, "Mwai Dauch, wali ogenzeeko ewa-ew'omusawo okwekebeza obulamu bwo?"

N'addamu nti, "Yee."

"N'omugamba nti...Kaakati omusawo ky'akola, abeerawo n'ekitabo nga kiri awo, n'addira ekitabo kino n'akebera. 'Kaakati, ekisooka kye nnina okukola ku muntu oyo, kwe kukebera omutima gwe.' Awo n'afuna akuma akakebera entunnunsi n'akateeka mu matu ge, n'akebera omutima gwe." Ne njamba nti, "Awo, ekiddako aggyayo, akebera puleesa mu musaayi gwe, nga atadde ekipima puleesa ku mukono gwe. Ekiddako ky'akola, kwe kukebera omusulo, n'ebirala, n'omusaayi ogumuvaamu, na bino byonna ebitali bimu. Byonna abyetegereza, bw'atasangamu kintu kyonna...Addira Xray. Bwa'ba talina ky'alabye, n'agamba nti "Mwami Dauch, omubiri gwo guli-guli bulungi."

"Ebyo aba abyestigamya ku ki? Ku mbeera eziri mu kitabo ky'ebi'obulamu nti, bwe wabaawo ekikyamu okusinziira ku mukulu wa ssaayansi kijja kulabikira wano, wano kijja kukola bwe kiti, na wali kijja kukola bwe kiti. N'olwekyo, ye nga bw'aba akimanyiko, laba, omubiri gwo oli bulungi.

75 Ne njamba nti, "Kaakati, ku nsonga eno, ngikolako okukebera emmeeme. Olaba? Era Katonda, olw'emmeeme, Alina Ekikozesebea okukebera kimu kyokka, kye ekkyo. Ekyo kye Ekigambo Kye. Ekyo kye Kigambo Kye. Era Yesu Yagamba nti, mu Yokaana Omutukuvu 5:24 nti, "Oyo awulira Ekigambo kyange,' Kaakati, okuwulira tekitegeeza kuwulira buwulizi ddoboozi. Okwo okuwulira kitegeeza 'kukisembeza Ekyo.' 'Oyo aba asembezza Ekigambo Kyange,' amiina, "oyo akiwulira Ekyo!" (Teweeshimba awo, Ekyo n'okiyita busirusuru, ebinntu Ebyo, tebiriiimu. Nze sikikkiriza Ekyo.)' 'Oyo awulira Ekigambo Kyange!' Uh-huh. Ekyo kye Kigamabo kya Yesu, nga Ye, kye Kigambo. Kiikyo awo. 'Bw'owulira Ekigambo Kyange.' Yagamba nti, 'n'akkiriza Oyo eyantuma, aba avudde mu kufa n'ayingira mu Bulamu; era taliyingira mu musango, yaguvaamu dda.' Amiina!" Ne njamba nti, "kaakati omutima gwo gukuba gutya?"

Kko ye nti, "Nkikkiriza. Nnakiwulira Ekyo. Nnakisembeza Ekyo."

Ne njamba nti, "Awo nno okusinziira ku Akulira Abakugu, Omukulu w'Abakozi, Omukulu Dokita w'Obulamu obutaggwaawo agamba nti, "Ovudde mu kufa ogenze mu Bulamu era tolija mu kusalirwa musango."

76 N'agamba nti, bwe nnakuwulira nga obuulira ku Linnya lya Yesu Kristo olw'okubatizibwa mu mazzi, nnatambulirawo emabega wo n'ombatiza.' N'agamba nti, "N'...Nze kye nnali, siddangamu kubeera ekkyo. Waliwo ekyantuukako. Ssaakifangako Ekyo nga njenda bugenzi eri, naye nnakyuka ne ntandika okudda eno, nga nkwatera liri ekkubo, naye nnakyuka ne ntandika okudda eno. Era emisana n'ekiro omutima gwange gwaka okumusemberera. Buli Kigambo ekikiriko, nkikkiriza! Kko nze nti, "Amiina! Ku buli kyonna ekikiriko. Ssifaayo ne bwe kiba kinsala kwenkana wa, njagala mbe nga ntuukagana nakyo. Era nze nga bwe mmamyi bwe ntyo bwe nkoze."

Ne njamba nti, "kindabikira nti omutima gwo gukubira ddala bulungi. Nzi-nzikiriza kaakati mu mwoyo osobola."

N'agamba nti, "Simanyi oba Okukwakkulibwa singa kaakati kujja, oba nnyinza okutwalibwa, Owoluganda Branham?"

Ne njamba nti, "Ssi nze nnina okusalawo ani atwalibwa ne ani atatwalibwa."

Ye n'agamba nti, "Kale, njagala mbe nga ndi mulamu, njagala nnyo nnyo okulaba Okukwakkulibwa."

77 Ne njamba nti, "Kale, leka ndabe ki-kiki Ekitabo kya Ssaayansi kye kikyogerako wano, ekkyo, ssaayansi ow'omwoyo wano." Ne njamba nti, "kale, kigamba bwe kiti wano, mu Basessalonika Eky'okubiri, essuula ey'o 5, Kigamba nti, 'Ffe abalamu abasignalawo eri okujja kwa Mukama tetuliziyiza' (ekkyo kitegeeza 'kulemesa') abo abaawummula, abeebase. Kubanga ekkondeere lya Katonda lirivuga, abo abeebase oba abawummudde be balisooka okuzuukuka, bambale obutafa. Olwo ffe abalamu ku olwo, mu kiseera ekkyo nga bamaze okuzuukira, laba, awo tuwaanyisibwe mu kaseera kutemya kikowe, tusisinkane nabo; olwo tugende waggulu okusanga Mukama mu bbanga, tusitulibwe wamu nabo.' Oba weebase, oba oliba teweewbase, oba oliba oba toliba; yonna gye waziikibwa, ne bw'oliba tewaziikibwa, mu buli ngeri olija! Tewali kiyinza kukulemesa. Ogenda kuberayo!" Ne njamba nti, "Owoluganda Dauch, singa Yesu aba tannajja ppaka bazzukulu b'abazzukulu b'abazukulu b'abaana bange, ogenda kuberawo mu kaaseera buseera, era ogenda na kuberayo nga tebannaba na kuwaanyisibwa, bwe baligenda." Kye ekkyo. Amiina!

78 Waliwo omukisa ogugenda okujja mu ngeri y'emu nga bwe waliwo obusungu obugenda okujja. Oh, tulina akawungeezi kano nga tunoonya ebimu ku byo. Ku bibiri olina okuba nga onoonya obusungu okukugwako okuzikirizibwa oba olina okuba nga onoonya okuzuukira kwa Mukama Yesu. Katonda ye omu eyasuubiza ekimu ku ebyo, Yasuu—...Ndi musanyufu nnyo!

Nindiridde olunaku olwo olw'Emyaka olukumi olw'essanyu,

Mukama waffe ow'omukisa Iw'Alijja okuggyawo Omugole we

Oyo alindiridde;

Oh! omutima gwange guyayaana era gusinda olw'olunaku olwo

Olw'okusumululwa okulungi,

Yesu waffe bw'Alikomawo ku nsi nate.

Olwo ekibi ennaku, obulumi n'okufa eby'ensi eno birikoma,

Mu bufuzi obwo ne Yesu obw'ekitiibwa mu myaka olukumi egy'emirembe; (Oh, abange! "Kale tulibeera ne Mukama emirembe n'emirembe.) Olaba?

79 Katonda kye Yayogera, kirina okutuukirira. "Balizimba amayumba, baligasulamu. Balisimba ensuku z'emizabbibu era balirya ebibala byagyo. Balyesimbira emizabbibu egyabwe babe nagyo." Amiina! Amiina! "Tebalirumya so tebalizikiriza mu Nsozi Zange entukuvu." Aleruuya!

Guno oguvunda bwe gulyambala obutavunda, kuno-kuno okufa kuba kumiriddwa mu buwangizi, awo tulimulaba nga bw'Ali tube n'Omubiri ogw'ekitiibwa nga Ogugwe. Oh, so ekiseera eky'ekitalo ekijja!

80 Katonda ye omu ne bannabbi be bamu abaalagula Ekigambo kya Katonda, ova obusungu obugenda okufukibwa, okufukibwa, be bamu abaayogera ku mikisa gino egijja. Ndi musanyufu nnyo! Katonda takola, taleeta kuzikirizibwa mu ggwa-ggwanga nga talirabudde. Tazikiriza muntu nga tamulabudde. Kaakati ova bw'Atyo bw'Akola, tulina ekitutuuseeko, okunyweezebwa kw'obubonero obw'ennaku ezisembayo kuli naffe, Omwoyo Omutukuvu ow'ekitalo Atambula mu ffe nga Akoleeza Ekkanisa n'okubeerawo Kwe, era nga Anyweeza Ekigambo Kye. Awonno Ekkanisa yeeteekateekera okulinnya mu bbanga mu lumu ku nnaku zino, olw'amaanyi ga Katonda. Kubanga okwo kulabula okusuula eri buli buzito na buli kibi ekitusuula amangu, tusobole okudduka embiro zino ezituli mu maaso n'obugumiikiriza, eri Omutandisi era Omumaliriza w'Okukkiriza kwaffe.

81 Kkanisa, Katonda abawe omukisa!! Mwekwate ku mukono gwa Katonda ogutakyuka! Yee, ssebo. B'oba owlira okubeerawo Kwe, genda gy'Ali. Mu mutima gwo bwe muba mulimu ekikyamu, kitereeeze. Obudde bwe tusigazzaayo ssi bungi, Okujja kwa Mukama waffe kutuuse. Omukkiriza Oh, bannange! Tekiriba kya kitalo eyo? So ekiseera, bwe ndiraba abazira ab'edda nga bakomyeewo batambulira mu Lusuku olwo! Oh, bannange! Nnindiridde essaawa eyo.

82 Muganda wange bwe yali akomyewo emitala w'amayanja, nzijkira lwe nnawulira ng'agamba nti, nga bava mu malwaniro ago ag'edda n'ebirala, nti, abo abaazirwanako edda, nga bwe batuuka mu maaso g'Ekipumbe eky'Eddembe (Statue of Liberty), ne bayisaawo abalema abo basobole okulaba Ekipumbe eky'Eddembe." Ekyo osooka kukiraba, ku mmeeri, bw'oja, kubanga kiwanvu nnyo. "N'olaba omukono ogwo, nga guyimiridde awo, "nti, "abasajja abo baatulika butilisi ne bakaaba. Abasajja abanene abo okuyimirira awo ne, bagwa bugwi wansi ne batandika okukaaba." Kyali ki? Kabonero ka ddembe. Buli kintu kyonna kye baali baagaddeko kyali mabega wennyini ewa akabonero ako.

Oh, naye kiriba kitya bwe ndiwulira emmeeri y'edda eyo eya Sayuuni nga efuuwa ku makya ago ndabe ne zibendera nga zeewuuba! Nga olatalo luwedde obuwangizi butuukiddwaako, aleruuya! Nga olwo tugenda waka, eyo etaliba kufa, ekibi nga ne geyeena ewanguddwa; nga tewakyali kwonoona, tewakyali kufa, tewakyali naku. Muli mpulira effirimbi nga evuga! Oh, tunaatera okutuuka mu Kibuga. Abayimiriza emmeeri okutambula bajja, emmeeri enkadde egenda mu kifo kyayo. Ayi Katonda tuyambe tube balamu olw'essaawa eyo!

83 Mukama Yesu, tuli bantu aba-abagezaako nga bwe tusobola, na bino byonna ebitulimu. Okutambulira mu Musana gw'enjiri y'Enjiri Yo ey'ekitalo gye wafiiira okulongoosa. Twebaza nnyo okulaba nti; mu nnaku z'ekizikiza zino embi ze tulimu kaakati mu ssaawa eno, mwe tulabira obubonero nga bulabika. Ayi Katonda, nga bwe kiri nti kiwandiikiddwa ku kisenge, tukwebaza, Mukama, nti tusobola okukiraba ne tumanya nti okusumululwa kuseembedde. Tubuulira enjiri, ne tubuna eggwanga, ne tukulaba nga Okola obubonero obunene, ne Weeyoka buli lunaku, buli mwaka. Tewali mwaka guyitawo nga Akabonero Ke akanene (ak'ekitalo) tekazze ku nsi. Era tukalaba, tumanyi nti eggye lya Katonda eryo ery'amaanyi ligenda mu maaso nga likumba.

Oh, omuwendo si munene, wabula nga kibiina kya maanyi ekirina Obulamu Obutaggwaawo! Yagmba nti, "Baliddukira mu kibinja babuuke ekisenge" Ddala, "ekibinja" ky'okufa kiriba tekirina bikinyweeza, Omugole agenda kukiyitamu buyisi. Buukka "ekisenge" wakati w'obutonde n'Okusukkuluma Obutonde, ogende mu mikono gya Katonda, mu Butaggwaawo obwo obw'ekitalo. Mukama Katonda, kino tukikwebaliza. Tumanyi nti ekiseera kigenda kisembera.

84 Nsaba, Katonda, nti akawungeezi ka leero wano bwe waba nga waliwo abatakumanyi, abatatereezanga mirembe gyabwe...Era ob'olyawo akawungeezi kano, bwe tubadde nga twogera,

akaloboozi kabaddle koogerera mu mutima gw'omuntu nti "Mpulira okulabulwa nti ssiyinza kweyongera kuba nga nkyaliwo." Ayi katonda, bateereeze amayumba gaabwe, mu kiseera kino kyennyini. Buli kintu kibe nga kiteredde. Obunnyogovu bu.... Mpozzi oba oli awo Bakristaayo, naye tebalina bubeesi...Babadde wansi wa kino okumala ebbanga ggwanvu era balabye ebantu bingi nnyo, omuwendo gwakyo tebakyagubala nga kikulu. Kiri nti...Ebantu, babitwala nga bya lusaago mu kifo ky'okubitwala nga bya buziba era bya bwesimbu.

Ayi Katonda, leka twekebere akawungeezi kano, kituwe, tumanye nti ebantu bino ebikulu bitulabula bulabuzi olw'okukwakkuliba kw'Ekkaisa eyo okunaatera okubeerwo. Era bwe tuba nti tuzitoowereddwa ekibi, obutakkiriza, n'obugayaavu, tetugenda kuba mu Kukwakkuliba okwo. Tukimanyi, Mukama, kye tuva tusaba nti muffle onaayokyamu Omwoyo Omutukuvu, mu mitima gyaffe. Ayi Katonda, emitima gyaffe gikoleeze omuliro. Tuyambe tutegeere.

85 Kaakati, abantu bona bawe omukisa. Omusumba waffe omulumgi omuwe omukisa ne mukyala we. Wa omukisa abadiikoni, abawanika, abakkiriza, bona awamu. Tusonyiwe ebyonoono byaffe. Otuwonye endwadde, Mukama. Era emitama gyaffe ogikoleeze era leka tuve wano n'obubaka bwaffe obw'okulabula, nga bwe tusanga abantu mu kibi, tubabuulire nti, "mukwano, tekikwasa nsongi okuba nti okola ebantu ebifaanana bwe bityo, nga omayi nti lumu olina okusisinkana Katonda?" Kituwe, Mukama mbawaayo gy'oli, kaakati, mpaayo n'obubaka bwonna okutwalira awamu, bikolere wamu olw'ekitiibwa Kyo. Mu Linnya lyia Yesu Kristo. Amiina.

Mwagala, mwagala

Yasooka okwagala nze

N'angulira obulokozi

E Kkaluvaliyo.

86 Temumwagala? Mulowooze ku wala wa ewolungendo gye tutuuse. Mikwano mulabeeko mu kkubo wa gye tutuuse. Mutunuleeko emabega mu kkubo okuviiira ddala eyo mu nnaku za Luther ne Wesley, okumalirako ddala ebiro byonna. Mulabeeeyo wano we tuli: wano wennyini ku ntikko ya piramiidi; wano wennyini Katonda w'Akikasirizza, nti Baibuli okumalirako ddala envumbo omusanvu kibikkuddwa ddala mu bulambalamba; ebirindiriddwa byokka bye byama omusanvu ku nkomerero, ku kujja kwa Mukama n'Okukwakkuliba kw'Ekkanisa okuyinza n'okubaawo nga obudde tebunnakya. Oh, abange!

Mwagala, (kaakati mu bwesimbu) Mwagala

Yasooka okwagala nze

N'angulira obulokozi

E Kkaluvariyo.

87 Mu kasirise nga tu...okiraba nti buli omu ku ffe abali wano alina okuvaawo wano, ave mu nsi? Okimanyi nti nno omuntu azaalibwa omukazi wa nnaku ssi nnyingi era nga ajjudde kutegana? Okimanyi nti olw'okuba twazaalibwa muti ogwo okuva mu lusuku lwa aden, ku kufa, nti tulina okufa? Tuli kibala eky'embuto za bannyaffe era nga tulina okufa, tulina okwawukana okuva mu bulamu buno. Abato n'abakulu, tewali njawulo. Omusajja oba omukazi asingayo obukulu ali wano abeerawo okukeesa obudde, oba mukazi oba musajja ajja kuwangaala okusinga abaana bangi ab'emyaka ekkumi oba ab'ekkumi-n'etaano? Bikumi na bikumi ku bo mu nsi yonna bajja kufa nga obudde tebunnakya. Kale nno ekikulu, kiri nti, kiki ky'okola kaakati?

88 Kano kayinza okuba nga ke kakisa ko akasembayo. Oba mukulu oba muto, osobola okutuuka ku kkanisa. Tolekaayo wadde ekintu ekimu nga tekikoleddwa. Beera mwesimbu nnyo nnyo ddala. Buli kintu kyonna kisuule eri. Tunula butereevu mu maaso ga Katonda obuuze ekibuuzo nti, "Mukama, mmusanyusa? Yesu Mukama, kiki ekirala kye nandikoze? Sikyalinayo kakisa kalala nga obulamu buno bukomye, okukuweereza. Kino kyokka kye kiseera kye nnina. Mukama Katonda, kye nsaba kimu mmanyie kiki ky'oyagala nkole! Oba njende kino kye mba nkola oba nteekeddwa kugenda kukola kiri nja kukikola n'essanyu."

Mu bwesimbu ddala-bwe tutyo bwe tulowooza? Abaana abato bwe batyo bwe balowooza? Abakulu mu myaka bwe batyo bwe balowooza? Abakadde bwe batyo bwe balowooza? Abavubuka bwe batyo bwe balowooza? Tulina okugenda, ye omayi otya oba fenna bunaagenda okukya nga tetugenze? Tetukimanyi. Ogamba nti, "Ekyo kinneeraliikirza." Tekisaanye! Mazima gennyini, kisaanye kukusanyusiza ddala okumanya nti ogenda kuva mu kayumba kano akakaddiye.

89 Waliyo ensi endala, tekikwetaagisa kubeera wala nnyo. Eri awo wennyini naawe. Ekwetoololedde ddala. Ky'olina oku...ky'oli...Katonda Yakuwa obusimu butaano obw'okwatagana na bino, eno ensi wano. Naye waliwo ensi endala nga eyo yo tolinaawo busimu bwonna kukwatagana nayo. Tosobola

kukwatagana nayo kubanga tobulina.

Eky'okulabirako, ku Sande akawungeezi nnagamba nti, (mpozzi ob'olyawo temwakitegeera) kiki...tulina obusimu butaan: okulaba, okulegako, okuwulira n'olususu, okuwunyirwa n'ennyindo, n'okuwulira n'amatu. Singa wali tolaba na maaso (nga olina kulegako na lulimi, kuwulira na lususu, kuwunyiriza, na kuwulira na matu byokka), omu yazibuka amaaaso n'agamba nti, "Waliyo ensi endala, enjuba"? Eyo enneewulira otomera ebintu buli kimu kiba kikumanyisa kiki kye kiri. Kubanga, oyinza okulowooza nti oba omuntu mulalu, kubanga obeera tolina kasimu ako-ak'okulaba. Tolina gw'omanyi, eyali abadde nako. Wali owulidde ku bantu aboogera ebintu ebifaanana bwe bityo, naye wabibusabuusa. Wabula tumanyi okuyita mu kasimu kano nti kya nnamaddala. Kifo gyekiri ddala. Olaba? Ki-ki-ki-ki kifo nga...osobola okulaba. Obusimu bwo bukirangirira.

90 Kaakati, ekintu kyokka ky'okola nga ofudde, okyusa bukyusa obusimu obwo obutaano (Ekitiibwa! Whew!), ofuna bufuni kasimu akalala. Obeera oli mulamu. Obeera oli mulamu n'akasimu akalala akasingako, nga kasinga buno emirundi nkumi na nkumi, mu bulamu obulala; obulamu etali kufa, etali naku. Era ebintu kaakati by'otalina na ky'omanyiiko obeera obirabira ddala butereevu nga osomose okugenda eyo. Kaakati tosobola kukitegeera kubanga okitomera butomezi, akasimu ako tokalina. Ogamba nti, "Nnina engeri gye mpu-mpuliramu etali ya bulijo akawungeezi kano. Kindabikira nti kiri nga waliwo... nnagenda ne nkaaba bukaabi, oba ne ndeekaana, oba ekintu bwe kityo." Bamalayika ba Mukama. Olaba?

91 Nga waliwo eyagamba, omanyi, oyo tabangako na kasimu ka kulaba, nti, Waliwo olumu omulundi gumu mu kaseera Iwe mpulirira ddala ekintu ekya nnamaddala, nga okuwulira ebbugumu."

Ogamba nti, "ky'ekitangaala."

"Ekitangaala kye ki? Ssikirabangako." "Tekiriiyo..." Olaba, takirabangako, tomanyi ki kye kiri. Olaba, omuntu omu eyo alina okumugamba, omuntu omu asobola okukiraba. Oh, owange! olaba?

Tukyuka bukyusi. Tukyuka bukyusi, totya kufa. Okufa ssi kintu, oyo ssemufu. Yesu Yakiwangula. Ne ku nkomerero Pawulo bwe yajja, yagamba nti, "Kufa, okulumwa kwo kuli ludda wa? Okutiisatiisa kwo kuli ludda wa? Magombe, obuwanguzi bwo buli ludda wa? Ogamba mbu onnina? Nja-njagala okukusongera emabega eri e Yerusalem. Eyo waliyo entaana enjereere era ggwe nze nnakuwangula, okufa n'amagombe," era Ndi mu Ye era tosobola kunsigiza! Njenda kuddamu nzuukire," Oh, owange! Yagamba nti, "waliwo engule enterekeddwa eyo, eyo Mukama, Omulamuzi omutuukirivu, gy'Alimpa. Ate ssi nze nzekka, wabula n'abo bona abaagala okulabika Kwe."

92 Mumwagala, Mwagala okulaba okujja Kwe. Mumulindiridde. Mboozi mpanvu, ku-kulindirira kuwanvu. Nsonga ya mukwano. Naye toyinza kulinda bulinzi okutuusa Iw'olimulaba! Oh, owange! Bwe kityo bwe kiri. Oh, ekyo kye kiseera kye tunoonya, eyo y'essaawa! Omutima gwo bwe guba nga te-te-teguli bwe gutyo akawungeezi kano, mukwano weegendereze. Olaba? Weerinde. Toganya mulabe kukulimbalimba. Omwoyo Omutukuvu nga Ali wano Ayagala okubuuka okuddayo ew'Omuronzi We, ew'Omuronzi We, waliwo ensonga y'omukwano etalina asobola kugyogerako. Ky'ekyo, ya nnamaddala. Ya nnamaddala.

Kale bwe waba waliwo okulabula, okugamba nti, "Kino tokyetegekedde awo nno jjukira, Katonda Ayinza okuba ng'Alina ky'Akuteekerateekera. Olaba? Toli mwetegefu....

93 Ogamba nti, "Kale, bwe mbatizibwa, olw'Omwoyo Omutukuvu, olwo, kale, oba oli awo Mukama Anantwala?" Ssi ekyo kyokka, weeteekateeka bwetesiteesi okuba omulamu. Oba-oba tonneetekateeka kuba mulamu ppaka nga ofunye Omwoyo Omutukuvu, kale awo bw'ofuna Omwoyo Omutukuvu awo ova osaanidde okuba omulamu. Nga ekyo tekinnabaawo obadde toli mwetegefu kubeera mulamu, labayo, naye kaakati osaanidde okuba nti oli mulamu ng'omaze okufuna Omwoyo Omutukuvu. Olaba?

Abantu bagamba mbu, "Kale, nina okwetegeka okufa.' Oh, owange, nneetegeka kuba mulamu! Amiina. Ekikiriko kiri nti, weetegeke kuba mulamu, beera mulamu mu Kristo! Obulamu obuwanguzi ku kibi, okufa, geyeen, nnamala dda okufuna obuwanguzi. Ye bwe Buwanguzi bwange era nze bukakafu Bwe, era ndi bukakafu obw'obuwanguzi Bwe. Amiina! Kye ekyo.

94 "Omanyi otya ova okirina?" Nkirina. Amiina. Yakimpa olw'ekisa Kye. Nkiwlira. Nkimanyi. Nkiraba nga kikolera mu bulamu bwange. Kyankusa. Era okusinziira ku Kitabo kino wano, Yagamba nti nnina Obulamu Obutaggwaawo era ssirisobola kugenda mu kusalirwa musango, wabula nvudde mu kufa njenze mu Bulamu kubanga Yatwala Omusango gwangwe ku Iwange. Kale ova Yansasulira omuwendo togezaako kundeeta mu Musango gwonna. Yagunjako, ne nkikkiriza. Yee, ssebo.

N'olwekyo tekyaliyo kulamulwa kulala. Tekyaliyo ku-kufa kulala. Oh luliba lumu ekkanisa, n'abantu ne mbireka, naye ekyo...Yesu bw'Aliba tannadda. Kale ekyo singa kiba bwe kityo, kale, owange, ssiri mufu. Ssisobola kufa nnina Obulamu Obutaggwaawo? Olaba? Olubeerera mu maaso ga Katonda emirembe n'emirembe ndibeera naye. Amiina! Ekyo kisanyusa omutima gwange, owange njula okuddamu okutandika okubuulira. Olaba? Kye ekyo. Oh,

Ssi Wa kitalo, Wa kitalo, Wa kitalo?

Yesu Mukama wange ssi Wa kitalo?

Amaaso galabye, amatu gawulidde, ebiwandiikiddwa mu Kigambo

Kya Katonda;

Yesu Mukama wange ssi Wa kitalo?

Obujulizi obwo mbwagala.

Amaaso galabye, amatu gawulidde, ebiwandiikiddwa mu Kigambo

Kya Katonda;

Yesu Mukama wange ssi Wa kitalo?

95 Oh, Mwagala! Ye lye ddembe lyange, essuubi lyange, Obulamu bwange, owange-essuubi lyange, Kabaka wange, Katonda wange, Omulokozi wange. (Oh, owange) Kitange, maama wange, mwannyinaze, muganda wange mukwano gwange, Ye ye buli kimu gyendi! Olaba? Twetaaga okuyimba akayimba bwe katyo. Omanyi, mwenna lwe mufuna oluyimba Iw'ekipentekoote...nsuubira akuumaa akakwata olutambi bakaggyeko, labayo. Oluyimba olwo lwe twayimbanga.

Ye taata wange, maama wange, mwannyinaze era muganda wange.

Ye buli kimu ekyange;

Ye buli kimu, Ye buli kimu ekyange;

Ye buli kimu, Ye buli kimu ekyange;

Kubanga Ye kitange, ye maama wange, mwannyinaze, era muganda wange,

Ye buli kimu ekyange;

Mujjukira bwe twateranga okuluyimba olwo? Waliwo ku mmwe alujjukira? Owange, emyaka giyiseewo mingi! Era twateranga okugamba nti;

Mmanyi nga gwali musaayi

Mmanyi nga gwali musaayi

Lumu nnali mbuze, n'Afa ku musaalaba

Mmanyi nga gwali musaayi gwa Yesu.

Mukajjukira akayimba ako? Leka tulabe luluwa luli olulala lwe twayimba? Leka tulabe.

Oh, tootunule wamu nange essaawa emu,

Nga njenze emitala, nga njenzeeko emitala?

Oh, tootunule wamu nange essaawa emu?

Nga njenze emitala, nga njenzeeko emitala okusaba?

Mpangula, mpangula,

Mpangula, mpangula,

Kubanga njagala Yesu, Ye mulokozi wange

Era Amwenya, era nange Anjagala.

96 Yatera nga kubeera Owoluganda omukadde Smith, owoluganda omuddugavu yabeera nga ludda wano mu kasonda. Oh! Nnawuliranga abantu abaddugavu abo emmanga eyo, nnatuulanga awo ne ndeekaana ne nkaaba na buli kimu kyonna. Ne nsuukunda emmotoka yange nga bwe nyetoolola bwe nt yo. Bonna ne bakuba mu ngalo (Owoluganda Branham akuba mu ngalo nga eno bw'ayimba. -Omuk.)

Oh, temuutunule na...

Akatono ako abaddugavu ke balina, omanyi. Tewali abenkana mu kuyimba; oyinza n'okukyerabira. Olaba?

...essaawa emu,

Nga njenda emitala,...

Oh, bannange! Nnatuula awo, ne njamba nti, "Ayi Katonda!" akalenzi kano akakadde, nga ka myaka ng'abiri, kaali kadduse ne keetoolola emmotoka eyo nga bwe kaleekaana n'okutendereza Katonda bwe katyo. Ekiseera ekyo! Eyo ye yali entandikwa esooka, Katonda bwe Yali nga Akola mu bantu bw'Atyo. Kaakati tufuuse kkanisa ey'amaanyi. Ssi na bammemba bangi, wabula ab'amaanyi mu Mwoyo. Amiina. Nga kya kitalo!

97 Ate waalingawo akayimba...olunaku ndujukira emmanga eyo mu Chattanooga, Tennessee, bwe nasanga kino...si Chattanooga, byali eyo mu Memphis, gye nnasanga omukyala ono omuddugavu, omanyi, ayimiridde wabweru eyo. Mumpulidde nga nkyogerako, mumanyi. Mutabani we yalina endwadde eyita mu kwegatta. Era essaati y'omusajja ono yali agyesibwe ku mutwe, nga yeesigamye ku lubaawo olutuulwako bw'atyo. Mukama mu ngeri emu, ennyonyi eyo n'Agiyimiriza n'Agigaana okugenda, ne banjamba nti jjangu o...

Omwovo Omutukuvu n'Agamba nti, "Tambulako katono okkirire erudda eno."

Ne njenda nga nzikirira okuyita awo, nga bwe nnyimba. Ne ndowooza, "Owange, owange ennyonyi yange enaatera okusitula!"

Ne njenda bugenzi mu maaso nga njamba nti, "Genda mu maaso. Genda mu maaso. Ogira ogenda mu maaso." Mu kitundu ekisooka eky'Obuwereza bwange.

98 Ne ntunula, nga nneesigamye awo ku lukomera, ku kayumba akatono awo. Waali wayimiriddewo mwannyina omukadde. Oh, yali...ng'alabika nga omu ku bannyina bano abali ku bu Paani keeke buno bwe bayita Aunt Jemima. Omamyi, nga alina amatama amanene, nga enviri ze-ze, nga essaati ye agitatde ku mugongo. Yali yeesigamye ku mulyango bw'atyo, nze ne njira ...nga nnyimba akayimba ako. Kaakati, kintu ekikwata ku-ekikwata ku...kaali kayimba kampi ka kipentekoote, ekijaguzo ekitono.

Nalekera awo okuyimba, ne nsemerera ddala. Ne ntambula ne njendayo. Yali ayimiridde awo nga amaziga gamukulukuta ku bitama ebinene ebyo; ne njagala okumugwa mu kifuba. N'agamba nti, "Wasuze otya, mbuulizi!"

Ne njamba nti, "Maama, ogambye ki?"

N'addamu nti, "Nnjambaye nti, 'wasuze otya mbuulizi.'"

Ne njamba nti, "Omanyi otya nti ndi mbuulizi?" Kaakati, eri ab'omu Bukiikkaddyo, omamyi, ekyo kitegeesa "muweereza." Ne njamba nti, "otegedde otya nti ndi mbuulizi?"

N'agamba nti, "Nategedde nti ojja kujja."

Ne njamba nti, "Watededde nti nzija?" Ne ndowooza nti, "Uh-oh, kiikino wano, labayo."

N'agamba nti, "Yee, ssebo." N'agamba nti mbuulizi, "Wali-wali osomyeko ebyafaayo mu Baibuli, ku mukazi Omusunami?"

Ne njamba nti, "Weewaawo, maama, nabisomako."

N'agamba nti, "Ndi mukazi afaanana nga oyo." N'agamba nti, "Nasaba Mukama okumpa omwana, nze n'omwami wange, mmumukulize." N'agamba nti, "Yakikola, Yampa omwana." Era n'agamba nti, "Nnamukuza, omulenzi omulungi." N'agamba nti, "Yayingira mu bantu abakyamu, mbuulizi. Yalwala obulwadde obubi," n'agamba nti, "ali eyo agalamidde afa." Kaakati ennaku nga bbiri abadde afa. Amaze ennaku bbiri nga n'okutegeera tategeera. Dokita yabadde wano n'agamba nti, 'tasobola kulama,' n'agamba nti, 'afa.' Yali ndwadde ya kikaba." N'agamba n'agamba-nti, "nga kyenkana sisobola na kuyimirira kutunuulira mwana wange ng'afa, ne nsaba ekiro kyonna." N'agamba nti, "ne njamba nti, 'Mukama.' Nti, 'Mukama,' Nfaananye nga omukazi oli Omusunami, naye' 'Erisa Wo ali ludda wa?"

99 N'agamba nti, "Nnagenze okwebaka ne ndoota ekirooto, nga nnyimiridde wano ku mulyango guno, ne nkulaba mu luguudo nga ojja n'akakuifiira ako ku mutwe gwo." Naye n'agamba nti, "waliwo ekintu kimu kyokka," n'agamba nti, "aliwa oyo..." N'agamba nti, "oteekeddwa okuba ne kkeesi mu mukono gwo."

Ne njamba nti, "ngirese bulesi eyo ku Peabody Hotel."

N'agamba nti, "Ntegedde nga olina okuba ne kkeesi." Omukazi n'agamba nti, "Omwana wange afa."

Ne njamba nti, "Erinnya lyange nze Branham."

Omukazi n'agamba nti, "Nsanyuse okukulaba, mbuulizi Branham."

Ne njamba nti, "Nsabira abalwadde. Wali owulidde ku buweereza bwange?"

N'agamba nti, "Sirowooza nti nnali mbuwuliddeko." N'agamba nti, "Tooyingire?" Ne nnyingira.

Ssempala omunene oyo nga agalamidde awo bw'atyo. Nnali ngezaako okumubuulira ku kuwonyezebwa okw'obwa Katonda, naye ekkyo ssi kye yali ayagala. Yali ayagala kuwulira mulenzi oyo nga agamba nti, "alokose era mwetegefu okugenda." N'agamba nti...Katonda n'amulokola.

Waayitawo omwaka nga mulamba ne mmulaba eyo nga aweereza ku sitensi. Mukama nga akola ebintu!

Era bwe nnaddayo, nga ekkyo kiwedde, nnali...ennyonyi eyo yali erina okusitula ku ssaawa emu, ate kaakati awo zaali essaawa satu n'ekitundu. Ne nfuna akamotoka ne nzirayo. Era olwayingira, ne bagamba nti, "tulanga omulundi ogusembayo namba y'olugendo lw'ennyonyi gundi." Mukama ennyonyi eyo Yagisibira awo ne njenda okusabira omulenzi oyo. Olaba? Kye ekkyo.

100 Nnali ngezaako okulowooza ku, kayimba ako, "Omu ku abo." Kye ekkyo.

Oh, nga twakolanga olugo olwo eyo, ne tukuba mu ngalo. Twagamba nga nti:

Omu ku abo, omu ku bo,

Ndi musanyufu nnyo okuba nti ndi omu ku bo;

(Aleruuya!)

Omu ku abo, omu ku bo,

Ndi musanyufu nnyo okuba nti ndi omu ku bo;

Baali bakunjjaanidde mu kisenge ekya waggulu,

Nga bona basaba mu Linnya Lye,

Ne babatizibwa n'Omwoyo Omutukuvu,

Amaanyi ag'okuweeereza ne gajja;

Kaakati kye Yabakolera ku olwo

Naawe ajja kukukolera ekintu kye kimu,

Ndi musanyufu nnyo okuba nti ndi omu ku bo;

Omu ku abo, omu ku bo,

Ndi musanyufu nnyo okuba nti ndi omu ku bo;

Omu ku abo, omu ku bo,

Ndi musanyufu nnyo okuba nti ndi omu ku bo.

(Naawe oli omu ku bo?)

101 Wuliriza olunyiriri luno.

abantu bano ne bwe baba nga tebasoma,

Wadde okwenyimiriza okubeera abatutumufu mu nsi,

Bonna baafuna pentekoote yaabwe,

Era baabatizibwa mu Linnya Iya Yesu;

Era kaakati babuulira, okumpi n'ewala,

Amaanyi Ge gakyali ge gamu,

Ndi musanyufu nnyo nsobola okugamba nti ndi omu ku bo.

Omu ku abo, omu ku abo,

Ndi musanyufu nnyo okuba nti ndi omu ku bo;

Omu ku abo, omu ku bo,

Ndi musanyufu nnyo okuba nti ndi omu ku bo.

Jjangu, muganda wange, noonya omukisa guno  
 Ogunaannaazaako ebibi ku mutima gwo,  
 Gujja kutandika okukuba ebidde by'essanyu  
 Era gujja kukuuma emmeeme yo nga eyaka;  
 Oh, kaakati gwaka mu mutima gwange,  
 Oh, ekitiibwa kibe eri Erinnya Lye  
 Ndi musanyufu nnyo okuba nti ndi omu ku bo.

(Ekyo kikusanyusa?)

Omu ku abo, omu ku bo,  
 Ndi musanyufu nnyo okuba nti ndi omu ku bo;  
 Omu ku abo, omu ku bo,  
 Ndi musanyufu nnyo okuba nti ndi omu ku bo.

102 Oh, temuli basanyufu? Tusikanjane mu mikono bwe tuluyimba. Mmwe mugamba ki? Tukikole.

Omu ku abo, omu ku bo,  
 Ndi musanyufu nnyo okuba nti ndi omu ku bo;  
 Ndi musanyufu nnyo nange, Owoluganda.  
 Oh, Omu ku abo, omu ku bo,  
 Ndi musanyufu nnyo okuba nti ndi omu ku bo.  
 Jjangu, muganda wange, noonya omukisa guno  
 Ogunaa...emmeeme yo omuliro,  
 Gujja kutandika okukuba ebidde by'essanyu  
 Era gujja kukuuma emmeeme yo nga eyaka;  
 Oh, kaakati gwaka mu mutima gwange,  
 Oh, ekitiibwa kibe eri ...  
 Tuwanike emikono gyaffe.

Ndi musanyufu nnyo okuba nti ndi omu ku bo.

Fenna awamu.

Omu ku abo, omu ku bo,  
 Ndi musanyufu nnyo okuba nti ndi omu ku bo;  
 Omu ku abo, omu ku abo,  
 Ndi musanyufu nnyo okuba nti ndi omu ku bo.

103 Kaakati muwulirize nnyo, laba.

Abantu bano ne bwe baba nga-nга tebasoma,  
 (Tebaava mu ttendekero)  
 Wadde okwenyimiriza okubeera abatutumufu mu nsi,  
 Bonna baafuna pentekoote yaabwe,  
 Era baabatizibwa mu Linnya Iya Yesu;  
 Era kaakati babuulira, okumpi n'ewala, (mu buli kanyomero konna)  
 Amaanyi Ge gakyali ge gamu,

Ndi musanyufu nnyo nsobola okugamba nti ndi omu ku bo.

Oh, kkanisa muluyimbe kaakati!

... ku abo, omu ku bo,

Ndi musanyufu nnyo okuba nti ndi omu ku abo;

Omu ku abo, omu ku bo,

Ndi musanyufu nnyo okuba nti ndi omu ....

Kaakati kwata akatambaala ko.

Omu ku abo, omu ku bo,

Ndi musanyufu nnyo okuba nti ndi omu ku abo;

Omu ku abo, omu ku bo,

Ndi musanyufu nnyo okuba nti ndi omu ku abo.

Mukama Yeebazibwe! Amiina! Tuli nga baana bato. Tetulinaawo bya kutuusa butuusa mukolo. Katonda talina mbala. Si bwe kiri? Yee, ssebo!

Omu ku abo, omu ku bo,

Ndi musanyufu nnyo okuba nti ndi omu ku bo;

Omu ku abo, omu ku bo,

Ndi musanyufu nnyo okuba nti ndi omu ...

104 Ddala muli basanyufu nti musobola okukyogera? Wanika buwanisi omukono gwo, ogambe nti, "Mukama Yeebazibwe!" (Ekibiina kigamba nti, "Mukama Yeebazibwe! "-Omuk.) Mukama Yeebazibwe! Ndi musanyufu okuba nti ndi omu ku abo! Ndi musanyufu okuba nti ndi.

Mukama Katonda, ndi musanyufu nnyo. Omu ku bo! Omu ku bo! Ndi musanyufu nnyo okuba nti ndi omu ku bo. Ayi Katonda, tuyambe tube ekkyo. Tuyambe tukumme omusana nga gwaka, Mukama, nga bwe tukumba nga twolekedde Sayuuni. Kituwe, Kitaffe. Mu Linnya Iya Yesu, tuwaayo gy'oli obulamu bwaffe olw'obuwereza. Amiina. Amiina.

Oh, tukumba tugenda mu Sayuuni,

Oh, Sayuuni ekibuga ekirungi;

Tukumba tugenda Sayuuni,

Ekibuga kya Katonda ekkyo ekirungi.

Mujje mmwe abaagala Mukama,

Essanyu lyaffe limanyisibwe,

Mwegatte ku luyimba n'essanyu,

Mwegatte ku luyimba n'essanyu,

Bwe mutyo mwetooloole nnamulondo

Era...(Oh, yimba buyimbi mu mwoyo!)...nnamulondo.

Oh, tukumba tugenda mu Sayuuni,

Sayuuni ekirungi ekirungi;

Tukumba tugenda Sayuuni,

Ekibuga kya Katonda ekkyo ekirungi.

Oh, tukumba tugenda mu Sayuuni,

Sayuuni ekirungi ekirungi;

Tukumba tugenda Sayuuni,

Ekibuga kya Katonda ekyo ekirungi.  
 Abo baleke abagaana okuyimba  
 Abatamanyi Katonda waffe;  
 Naye abaana b'obwakabaka obw'omu Ggulu,  
 Naye abaana b'obwakabaka obw'omu Ggulu,  
 Bayinza okwogera essanyu lyabwe eyo emitala,  
 Bayinza okwogera essanyu lyabwe eyo emitala,  
 Tuluylimbe!  
 Tukumba tugenda mu Sayuuni,  
 Oh, Sayuuni ekibuga ekirungi;  
 Tukumba tugenda Sayuuni,  
 Ekibuga kya Katonda ekyo ekirungi.

105 Oh, ekyo tekikulongoosa wenna? Ennyimba ezo enkadde temuzaagala? Nze-zinsingira ezo zonna...oba ezimu ku nnyimba ezo bwe zityo. Ezo ze nnungi, ez'edda z'owulira nga ziri ku mutima.

Oh, owange, mpulira bulungi nnyo bwe nziyimba, nnungi! Owange, mpulira njagala kusanyuka busanyusi!

Twala Erinnya lya Yesu,  
 Ayi omwana w'ennaku;  
 Lijja kukuwa essanyu n'okukubudaabuda,  
 Genda nalyo buli wamu.  
 Erinnya, (eddungi, eddungi!), Nga ddungi! (Nga ddungi!)  
 Ssuubi ly'ensi era ssanyu ly'Eggulu;  
 Erinnya nga ddungi!  
 Ssuubi ly'e nsi era ssanyu ly'Eggulu  
 Nga bwe tukoteka emitwe gyaffe kaakati:  
 Nga tuvuunamidde Erinnya lya Yesu,  
 Nga tveyaze mu maaso Ge,  
 Kabaka wa bakabaka tulimutikkira engule mu Ggulu,  
 Nga olugendo Iwaffe lukomye.  
 Erinnya nga ddungi!  
 Ssuubi lya nsi era...  
 [Owoluganda Neville aggalawo okusaba-Omuk.]



[www.messagehub.info](http://www.messagehub.info)

Byabuulirwa  
**William Marrion Branham**  
 "...mu nnaku z'eddoboozi..." Kub. 10:7